



小學弦歌卷二

教忠一

西山歌

伯夷

周武王伐紂伯夷叔齊叩馬而諫武王克商夷齊恥食周粟去隱於首陽山作此歌

登彼西山兮採其薇矣以暴易暴兮不知其非矣黃農虞夏忽焉沒兮我安適歸矣吁嗟徂兮命之衰矣

國殤

楚辭九
屈平

操吳戈兮被犀甲車錯轂兮短兵接旌蔽日兮敵若雲矢交墜兮士爭先陵予陳兮躡予行左驂殪兮右刃傷

小學弦歌

卷二教忠

一 字三百廿二 點一百零八 明

霾兩輪兮繫四馬援玉枹兮擊鳴鼓天時懟兮威靈怒嚴殺盡兮棄原野出不入兮往不返平原忽兮路迢遠帶長劍兮挾秦弓首雖離兮心不懲誠既勇兮又以武終剛強兮不可陵身既死兮神以靈魂魄毅兮為鬼雄

朱註國殤謂死國事者也

懷沙

楚辭九
屈平

滔滔孟夏兮草木莽莽傷懷永哀兮汨徂南土眴兮杳杳孔靜幽默鬱結紆軫兮離愍而長鞠撫情效志兮冤屈而自抑矧方以為園兮常度未替易初本迪兮君子



所鄙。章畫志墨兮。前圖未改。內厚質正兮。大人所賊。巧
倖不跡兮。孰察其揆。正元文處幽兮。矇瞶謂之不章。離
婁微睇兮。瞽以爲明。變白以爲黑兮。倒上以爲下。鳳凰
在笄兮。雞鶩翔舞。同糝玉石兮。一槩而相量。夫惟黨人
之鄙固兮。羌不知予之所臧。任重載盛兮。陷滯而不濟。
懷瑾握瑜兮。窮不知所。邑犬羣吠兮。吠所怪也。非俊
疑傑兮。固庸態也。文質疏內兮。眾不知余之異。采材朴
委積兮。莫知余之所有。重仁襲義兮。謹厚以爲豐。重華
不可遺兮。孰知余之從容。古固有不並兮。豈知其何故。
舒憂娛哀兮。限之以大故。

湯禹久遠兮。邈而不可慕。懲違改忿兮。抑心而自強。離
愍而不遷兮。願志之有像。進路北次兮。日昧昧其將暮。
亂曰。浩浩沅湘。分流汨兮。修路幽蔽。道遠忽兮。懷質抱
情。獨無匹兮。伯樂既沒。驥焉程兮。民生稟命。各有所錯。
兮。定心廣志。余何畏懼兮。曾傷爰哀。永嘆喟兮。世混濁
莫吾知。人心不可謂兮。知死不可讓。願勿愛兮。明告君
子。吾將以爲類兮。

朱註懷沙懷
沙石自沈也

小學菴歌

卷二 教忠

一 字三百六十九
點一百六十九 明

九辯九首

宋玉

何時俗之工巧兮，背繩墨而改錯，卻騏驥而不乘兮，策
駑駘而取路。當世豈無騏驥兮，誠莫之能善御。見執轡
者非其人兮，故跼跳而遠去。鳧雁皆咬夫梁藻兮，鳳愈
飄翔而高舉。圜鑿而方柄兮，吾固知其鉏鋸而難入。眾
鳥皆有所登棲兮，鳳獨遑遑而無所集。願銜枚而無言
兮，嘗被君之渥洽。太公九十乃顯榮兮，誠未遇其匹合。
謂騏驥兮安歸，謂鳳凰兮安棲。變古易俗兮，世衰今之
相者兮，舉肥騏驥伏匿而不見兮。鳳凰高飛而不下，鳥
獸猶知懷德兮，何云賢士之不處。驥不驟進而求服兮，
鳳亦不貪餒而妄食。君棄遠而不察兮，雖願忠其焉得。
欲寂寞而絕端兮，竊不敢忘初之厚德。獨悲愁其傷人
兮，馮鬱鬱其何極。

怨歌行

魏曹植

爲君旣不易，爲臣良獨難。忠信事不顯，乃又見疑患。周
公佐成王，金縢功不刊。推心輔王室，二叔反流言。待罪
居東國，涕泣常流連。皇靈大變動，震雷風且寒。拔樹偃
秋稼，天威不可干。素服開金縢，感悟求其端。公旦事旣
顯，成王乃哀歎。吾欲竟此曲，此曲悲且長。今日樂相樂，

小學弦歌

卷二 教中心

二

字三百七十七
占一百九十三

正五

別後莫相忘

作者為文帝所疑故借周公以自比

拘幽操

唐韓愈

周文王囚於羑里後人作為琴操昌黎擬其辭

目窈窕兮其凝其盲耳肅肅兮聽不聞聲朝不見日出
兮夜不見月與星有知無知兮為死為生嗚呼臣罪當
誅兮天王聖明

詠蘇武

李白

蘇武在匈奴十年持漢節白雁上林飛空傳一書札牧
羊邊地苦落日歸心絕渴飲月窟水飢餐天上雪東還
小學弦歌
沙塞遠北創河梁別泣把李陵衣相看淚成血

卷二教忠

四字三言七

五

蜀相

杜甫

丞相祠堂何處尋錦官城外柏森森映階碧草自春色
隔葉黃鸝空好音三顧頻煩天下計兩朝開濟老臣心
出師未捷身先死長使英雄淚滿襟

宗忠簡臨終屢誦此詩末二語

守睢陽

張巡

唐天寶中安祿山反攻睢陽張公時為清源令與太守許公遠堅守數月力竭城陷皆死之

接戰春來苦孤城日漸危受圍如月暈分守若魚麗屢
厭黃塵起時將白羽揮裹創猶出陣飲血更登陴忠信

應難敵堅貞諒不移無人報天地心計欲何施

青石歌 激忠烈也

白居易

青石出自藍田山兼車運載來長安工人磨琢欲何用
石不能言我代言不願作人家墓前神道碣墳土未乾
名已滅不願作官家道旁德政碑不鐫實錄鐫虛辭願
爲顏氏段氏碑雕鏤太尉與太師刻此兩片堅貞質狀
彼二人忠烈姿義心若石屹不轉死節名留確不移如
觀奮擊朱泚日似見叱呵希烈時各於其上題名謚一
置高山一沈水陵谷雖遷碑獨存骨化爲塵名不死長
小學弦歌

卷二 教忠

五

三百六十一
一百六十八

昌

使不忠不烈臣觀碑改節慕爲人慕爲人勸事君

趙潛叔殉節詩

宋 元 絳

皇祐中儂智高犯康州合郡潰去守臣趙師旦
死之妻方產子棄之草間亂後訪之尙呱呱然
轉戰譙門日欲哺空拳猶自把戈鈇身垂虎口方安坐
命在鴻毛更疾呼柱下臬卿存斷節袴中杵曰得遺孤
空餘三尺英雄氣不愧山西士大夫

送唐御史介貶英州

李師中

孤忠自矢衆不與特立敢言人所難去國一身輕似葉
高名千古重如山並遊英俊顏何厚未死姦諛骨已寒

天爲吾皇扶社稷肯教夫子不生還

第五六句謂吳奎也

送唐子方侍御

仲訥

力犯雷霆眾共危。遠投魍魅棄如遺。忠州學業真無負。高廟神靈固有知。自倚聖明容直道。未甘憔悴死荒陲。滿朝卿相多公議。莫便行吟續楚辭。

題姚忠毅公廟四首

林宋偉

紹興辛巳金兵入寇大將王權通統領姚興獨率所部四千騎當虜六十萬凡十餘戰力竭死之詔立廟以祀

赤心許國自平時。見敵捐軀更不疑。權忌臬庸皆遁走。

小學弦歌

卷二教忠

六

三百卅一百五十一

昌

同時死難只青獅

青獅公所乘馬也

農父犁田出寶刀。銅花浸血冷侵毛。神鋒懍懍衝星斗。

未讓豐城劍氣高

耕者得姚公所用大刀重六十觔

歲歲烝嘗九月期。西風笳鼓萬人悲。山邊走馬神旗閃。

父老齊呼太尉來

公以重九生日軍民祀之往往見飛騎邊出皆曰太尉來矣

兩日經行舊戰場。卻來祠下謁堂堂。偷生諸將今何在。

萬古英靈獨耿光

使北題會同館壁

范成大

范文穆吳郡人官參知政事此共使金時所作

萬里孤臣致命秋。此身何止一漚浮。提攜漢節同生死。休問羝羊解乳不。

衣襟中詩

李若水

靖康中汴京城陷公以吏部侍郎從
欽宗幸金營不屈死之衣襟中有詩

胡馬南來久不歸。山河殘破一身微。功名誤我等雲過。歲月驚人和雪飛。每事恐貽千古笑。此心甘與眾人違。艱難惟有君親重。血淚斑斑染客衣。
惟恐貽笑千古自能舍命不渝從古忠臣皆從網常起見

自作哀辭

滕茂實

小學弦歌

卷二 教忠

七

二十七

杜

靖康初公以侍郎使金破留後卒於雁門臨終作此

齋鹽老書生。繆作王都官。索米了無補。從事敢辭難。殊鄰復盟好。仗節來榆關。城守久不下。川途望漫漫。儉輩果不惜。一往何當還。牧羊困蘇武。假道拘張騫。流離念窘束。坐閱四序遷。同來悉已歸。我獨留塞垣。形影自相弔。國破家亦殘。呼天竟不聞。痛甚傷肺肝。相逢老兄弟。悼歎安得歡。波瀾捲大廈。一木難求安。昔燕破齊王。羣臣望風奔。王蠋獨守節。齊人有甘言。經首自絕脰。感慨今昔聞。未嘗食齊祿。徒以老爲民。況我祿數世。一死何

足論遠或沒江海近或死朝昏斂我不須衣裹屍以黃
旛題作宋臣墓篆字當深刊我室年尙少兒女皆童頑
四海無置錐飄流倍悲酸誰當給衣食使不死飢寒歲
時一酌我猶足慰我魂我魂亦悠悠異鄉寄沈冤他時
風雨夜草木號空山

臨終作

何宏中

公時官統制以糧盡被擒金人授以官公投牒
於地曰我嘗以此物誘人出死力今乃以此嚇
我耶遂死之

馬革盛屍每恨遲西山餓死亦何辭姓名不到中興歷

小學弦歌

卷二 教忠

八

二九〇二
五五七

杜小

自有皇天后土知

絕命辭

王士敏

靖康之變公隨徽欽二
帝北行死之臨終作此

此生無復望生還一死都歸談笑間大地盡爲鮮血澆
好收吾骨首陽山

甲危翁一

季炳

危翁一光澤樵夫聞二
帝北狩哭三日而死

南鄉老人危翁一歲晏雨晴扶杖出驚聞二帝塵再蒙
歸閣柴門哭三日眼枯愁絕聲遂止里人唁翁翁死矣

凜然生氣申包胥萬古千秋壯忠義

送張紫巖先生北伐

岳飛

紫巖即張魏公沒

號令風霆迅天聲動北陬長驅渡河洛直搗向燕幽馬
蹶闕氏血旗臯可汗頭歸來報明主恢復舊神州

題新淦古寺壁

岳飛

紹興癸丑公平度吉羣盜道經新淦題詩於青泥市寺壁

正氣堂堂貫斗牛誓將真節報君讐斬除頑惡還車駕
不問登壇萬戶侯

小學弦歌

卷二教忠

九

三三
九廿二
春

送胡邦衡赴新州貶所二首

王庭珪

紹興中胡忠簡銓上疏乞斬秦檜謫新州庭珪以詩送之坐訕謗流夜郎

囊封初上九重關是日清都虎豹聞百辟動容觀奏牘
幾人回首愧朝班名高北斗星辰上身墮南州瘴海間
不待他年公議出漢廷行召賈生還

大廈原非一木支身將獨力挂傾危癡兒不了公家事
男子要為天下奇並世姦諛皆膽落平生忠義只心知
端能飽喫新州飯在處江山足護持

示兒

陸游

死去原知萬事空。但悲不見九州同。王師北定中原日，
家祭無忘告乃翁。死不忘國與杜少陵每飯不忘君同一忠悃

過平原

文天祥

平原太守顏真卿。長安天子不知名。一朝漁陽動鼙鼓，
大河以北無堅城。公家兄弟奮戈起。一十七郡連夏盟。
賊聞失色分軍返。不敢長驅入咸京。明皇父子得西狩，
由是靈武起義兵。唐家再造李郭力。若論牽制公威靈。
哀哉常山慘鉤舌。公歸朝廷氣不懾。崎嶇坎坷不得志，
出入四朝老忠節。當年幸脫安祿山。白首竟陷李希烈。
小學弦歌卷二教忠 十一三十七三春
希烈安能遽殺公。宰相盧杞欺日月。亂臣賊子歸何處。
煙草茫茫中原土。公死於今六百年。精忠赫赫雷當天。
以忠慨忠不啻若自其口出末二語正可移贈信公

過白溝河

張叔夜靖節處

文天祥

昔時張叔夜。統兵出勤王。東都一不守。羸馬遷龍荒。適
過白溝河。裂眦鬚欲張。絕粒不遑死。仰天扼其吭。羣臣
總奄奄。一土垂天光。讀史識其地。掩卷爲淒涼。我生何
不辰。異世忽相望。皇圖遭陽九。天塹盈飛蝗。引兵詣闕
下。捧上障。瀾狂出使義不屈。持節還中郎。六飛駐南海。

金鉞將煌煌。武侯空盡心。出狩驚四方。吾屬竟爲虜。世
事吁彼蒼。思公有奇節。一死何慨慷。江淮我分地。逝欲
投滄浪。滄浪卻不受。中原行路長。初登項籍宮。次覽劉
季邦。下車撫梁門。上馬指樓桑。載星渡一水。慘淡天微
茫。行人爲我言。宋遼此分疆。懸知公死處。爲公出涕滂。
恨不持束芻。徘徊官道旁。我死還在燕。烈烈同肝腸。今
我爲公哀。後來誰我傷。天地垂日月。斯人未云亡。文武
道不墜。我輩終堂堂。人定勝天
可以共信

過零丁洋

文天祥

小學弦歌

卷二 教忠

十一

三七五八十二小

辛苦遭逢起一經。干戈落落四周星。山河破碎風飄絮。
身世浮沈雨打萍。惶恐灘頭說惶恐。零丁洋裏歎零丁。
人生自古誰無死。留取丹心照汗青。張宏範嘗與公作
書招降張公世傑
公曰我不能救父母乃教人背父
母乎遂書此詩遺之張不能屈

己卯十月至燕下獄感賦六首

文天祥

落落南冠自結纓。桁楊臥起影縱橫。坐移白石知何世。
夢斷青燈問幾更。國破家亡雙淚暗。天荒地老一身輕。
黃梁得失俱成幻。五十年前原未生。
心期耿耿浮雲上。身事悠悠落日西。千古興亡何限錯。

百年生死本來齊。沙邊莫待哀黃鵠。雪裏何須問牧羝。
此處曾埋雙寶劍。虹光夜指楚天低。

亦知戛戛楚囚難。無奈天生一寸丹。鐵馬行塵南地熱。
豬衣坐擁北庭寒。朝餐淡泊神還爽。夜睡崎嶇夢自安。
亡國大夫誰作傳。祇饒野史與人看。

風雪重門老楚囚。夢回長夜意悠悠。熊魚自古無雙得。
鵠雀如何可共謀。萬里山河眞墮餽。一家妻子枉填溝。
兒時愛讀忠臣傳。不謂身當百六秋。

聽著嘯鵬淚滿襟。國亡家破剩孤臣。關河歷落三生夢。
小學弦歌卷二 教忠

風雪飄零萬死身。丞相豈能堪獄吏。故侯安得作園人。
黃農虞夏吾安適。回首西山繼絕塵。

琪璧衣冠十六傳。更無一士死君前。自慚重趙非九鼎。
猶幸延韓更數年。孟博囊頭眞自愛。杲卿鉤舌要誰憐。
人間信有綱常在。萬古西山皎月懸。

正氣歌

文天祥

天地有正氣。雜然賦流形。下則爲河嶽。上則爲日星。於
人曰浩然。沛乎塞蒼冥。皇路當清夷。含和吐明廷。時窮
節乃見。一一垂丹青。在齊太史簡。在晉董狐筆。在秦張

良椎在漢蘇武節爲嚴將軍頭爲嵇侍中血爲張睢陽
齒爲顏常山舌或爲遼東帽清操厲冰雪或爲出師表
鬼神泣壯烈或爲渡江楫慷慨吞胡羯或爲擊賊笏逆
豎頭破裂是氣所磅礴凜烈萬古存當其貫日月生死
安足論地維賴以立天柱賴以尊三綱實繫命道義爲
之根嗟予遘陽九隸也實不力楚囚纓其冠傳車送窮
北鼎鑊甘如飴求之不可得陰房闐鬼火春院闕天黑
牛驥同一皁雞棲鳳凰食一朝蒙霧露分作溝中瘠如
此再寒暑百沴自辟易嗟哉沮洳場爲我安樂國豈有
小學弦歌

卷二教忠

十一

二十廿八

小五

他繆巧陰陽不能賊顧此耿耿在仰視浮雲白悠悠我
心悲蒼天曷有極哲人日已遠典型在夙昔風簷展書
讀古道照顏色

爲或人賦

文天祥

留夢炎以狀元宰相
降元信公作此刺之

悠悠成敗百年中笑看柯山局未終金馬勝遊成舊雨
銅駝遺恨付西風黑頭爾自誇江總冷齒人能說褚公
龍首黃扉眞一夢夢回何面見江東

衣帶贊

文天祥

公靖節燕市作
此贊於衣帶中

孔曰成仁孟曰取義惟其義盡所以仁至讀聖賢書所
學何事而今而後庶幾無愧

北行別友

謝枋得

公諡文節仕宋至江東制置使宋末起義兵軍
潰隱於閩入元累徵不屈魏天祐追脅至燕不
食而死此其
北行時所作

雪中松柏愈青青扶植綱常在此行天下豈無龔勝潔
人間不獨伯夷清義高便覺生堪捨禮重方知死甚輕
南八男兒終不屈皇天后土眼分明

小學弦歌

卷二 教忠

十四

三ノ廿七
山

絕命詩

謝枋得

西漢有臣龔勝卒閉口不食十四日我今半月忍飢渴
求死不死更無術精神時與天往來不知飲食爲何物
若非功行積未成便是業債償未畢太清羣仙宴會多
鳳簫龍笛鳴瑤瑟安得神靈羽翼生騎雲直上寥天一

送壘山先生北行

游古意

滿腔忠孝有天知不管人間事已非萬里乾坤雙草履
百年身世一麻衣行藏自信牀頭易臥病惟餐隴首薇
儻過宗周見離黍幾回新淚向殘暉

送疊山先生北行

張子惠

流落崎嶇二十年。如今證驗作儒仙。人皆屈膝甘爲下。公獨高聲罵向前。此去好憑三寸舌。再來不值一文錢。逃名不得名終在。留取芳名萬古傳。

書几上

趙卯發

德祐元年元兵克池州。權守趙卯發書几上云。云遂與妻雍氏同死之事。聞贈侍制諡文節。雍氏贈順義夫人。

國不可背城。不可降。夫婦同死。節義成雙。

臨難寄仲子

陳文龍

小學弦歌

卷二 教忠

七

祥興中公以參知政事充閩廣宣撫使被擒不食死之。

斗壘孤危勢不支。書生守志定難移。自經溝瀆非吾事。臣死封疆是此時。應把纍囚供疊鼓。未聞烈士樹降旗。一門百指淪胥盡。惟有丹衷天地知。

哭陸秀夫

方鳳

時危方擁幼。勢極尙扶顛。鼉背舟中國。龍髯水底天。鰲存周已晚。蜀盡漢無年。獨有丹心皎。長依海日懸。

挽文丞相

黃誠性

三百餘年養士恩。晚從科目得斯人。崎嶇嶺海暮年國。

零落。旄旌。萬死。身。諸葛。未亡。猶有。漢包胥。欲哭。更無。秦
挑燈。慷慨。歌梁父。鬢髮。蕭森。雙鬼神。

帛書詩

元郝經

公使宋被留十六年至德祐元年始遣還
是歲汴中民射雁金明池得繫帛書詩

霜落風高恣所如。歸期回首是春初。上林天子授弓繳。

窮海梟臣有帛書。

詩末書中統十五年九月一日放雁
獲者弗殺國信大使郝經書於眞州

忠勇軍營新館時經以久留南北隔絕不知中統之爲
至元也是書爲南豐教授王時中所得至延祐中集賢
學士郭貫獲之始上於朝仁
宗命裝潢成帙藏諸東觀

挽文信國公

虞集

小學弦歌

卷二 教忠

六

二百六十二

章

徒把金戈挽落暉。南冠無柰北風吹。子房本爲韓仇出。
諸葛甯知漢祚移。雲暗鼎湖龍去遠。月明華表鶴歸遲。
何須更上新亭飲。大不如前灑淚時。

陸秀夫抱惠王入海圖

姚燧

紫宸黃閣其樓船。海氣昏昏日月偏。平地已無行在所。
丹心猶數中興年。生藏魚腹不見水。死挽龍髯直上天。
板蕩純臣有如此。流芳千古更無前。

弔岳忠武

趙孟頫

岳王墳上草離離。秋日荒涼石獸危。南渡君臣輕社稷。

中原父老望旌旗。英雄已死嗟何及。天下中分遂不支。
莫向西湖歌此曲。水光山色不勝悲。

稽侍中廟

王磐

十載家艱恨未消。又持手版仕昏朝。已知定亂功難就。
猶幸臨危節可要。忠血數斑霑藻火。英名千古耿雲霄。
一杯欲酌祠前土。野鶴昂藏未易招。

小學弦歌

卷二 教忠

七

四十三
六十九
小

小學弦歌卷三

教忠二

張中丞廟

明高啟

延秋門上烏嗁霜。羯兒曉登天子牀。江頭老臣淚暗滴。
 萬乘西去關山長。公卿相率作降虜。草閒拜泣如羣羊。
 當時不識顏平原。豈復知有張睢陽。孤城落日百戰後。
 瘦馬食尾人裹創。男兒竟爲忠義死。碧血滿地嗟誰藏。
 賀蘭不斬尙方劍。英雄有恨何時忘。千年海上見祠廟。
 古苔叢木秋風荒。摩挲畫壁塵網裏。勇氣嗒嗒虬髯張。

小學弦歌

卷二 教忠

一

三十三
安

巫歌大招客。酌酒忠魂或能歸故鄉。

弔岳王墓

高啟

大樹無枝向北風。十年遺恨泣英雄。班師詔已來三殿。
 射虜書猶說兩宮。每憶尙方誰請劍。空嗟高廟自藏弓。
 栖霞嶺上今回首。不見諸陵白露中。

通體責備高宗居然史筆

謁雙廟

高啟

維昔天寶末。君王寵姦虜。雄邊委強兵。遺患同養虎。叛
 聞遽西幸。骨肉棄榛莽。河北二十州。義士誰禦侮。兩公
 起誓眾。慟哭告元祖。橫身遏其衝。江淮保安土。孤城無

全堞百戰霜。月苦力窮援。不來嚙齒罵。益怒殘兵。日飢
疲。秋風仆旗鼓。男兒不生降。一死冠今古。故鄉有遺廟。
俗祭巫屢舞。丹青網塵中。爽氣猶可睹。嗟今屬喪亂。戎
馬正旁午。臨危肯捐軀。如公未多數。獨立爲悲傷。斜陽
下寒楚。

西臺慟哭詩 并引

高啟

越人謝翺嘗爲宋丞相文山公之客。公死之十
二年。登釣臺祭公。以哭自爲文。識其哀。曰西臺
慟哭記。東陽張孟兼持示求詩。僕感其誼。遂賦

小學弦歌

卷二教忠

一 二字句五十一
〇二句三

一首

峩峩子陵臺。其下大江奔。何人此登高。慟哭白日昏。哀
哉宋遺臣。舊客丞相門。丞相旣死節。有身恥空存。北望
萬里天。再拜奠酒尊。陰雲暮飛來。恍如載忠魂。所哭豈
窮途中。抱千古冤。上悲宗周隕。下念國士恩。淒涼當世
事。感慨平生言。空山誰知哀。惟有猴與猿。豈不畏眾驚。
聲發不忍吞。人言天有耳。此哭寧不聞。願因長風還。吹
此血淚痕。往墮燕山隅。一灑宿草根。田橫去已遠。茲道
不復論。作歌悼往事。庶使薄俗敦。
長歌當哭。恍惚激昂。與晞髮生同聲相應。

是有功名
教之作

絕命辭

方孝孺

天降喪亂兮莫知其由。姦臣得計兮謀國用猶。忠臣發憤兮血淚交流。以死殉君兮抑又何求。嗚呼哀哉兮庶不我尤。

謁余忠宣公祠

練子寧

將軍忠節冠荆揚。千載精神日月光。血戰孤城身已殞。名垂青簡汗猶香。殘碑墮淚空秋草。折戟沈泥自夕陽。我亦有懷追國士。為君感慨奠椒漿。

末二語卒踐其言。是自命不凡處。

小學弦歌

卷二 教忠

三 字言少

蔡澂 大高

樂府 錄十 八首

李東陽

國士行

趙襄子殺智伯其臣豫讓欲為報讐襄子謹避之乃漆身為癘吞炭為啞襄子出讓伏橋下將刺之襄子捕讓數之曰子嘗事中行氏智伯滅之子不為報讐今獨為智伯報讐何也讓曰中行氏眾人遇我故以眾人報之智伯國士遇我故以國士報之乃請襄子之衣拔劍三擊之遂伏劍死

漆為癘炭為啞彼國士何為者趙家飲器智伯頭一日事作千年讐報君讐為君死斬讐之衣讐魄褫臣身則亡心已矣

牧羝曲

漢武帝使蘇武使匈奴欲降之武引佩刀自刺未死李陵衛律屢說之不從乃幽武窖中旋徙北海上使牧羝曰羝乳乃得歸武仗漢節牧羊凡十九年及昭帝即位乃得歸嗟汝陵咄汝律羝可乳節不可屈咄汝律嗟汝陵寧為我死不作汝曹生生入朝身已老有淚猶沾茂陵草天遣生還入畫圖不然誰識冰霜貌

九折阪

漢昭帝時益州刺史王吉行部至邛邽九折阪歎曰奉先人遺體柰何乘此險遂引疾歸後王遵至其阪乃叱馭曰趨驅之王陽為孝子王遵為忠臣陽吉字也吉歸邛邽元帝即

小學弦歌

位詔徵之道病卒

卷三教忠

四

三〇七三 蔡淦 〇〇〇七 太商

九折阪七尺身回車為孝子叱馭為忠臣孝子身為親忠臣身為君七尺身九折道叱馭歸來人未老回頭試問回車翁何曾得葬瑯琊草

漢壽侯

漢壽侯義且武冠三軍振華夏斬讎將報知者身不可留臣有主老瞞不追猶有度誰其讎者吳陸呂歲十二月侯出走吳人縛侯生縛虎死猶怒髯如虬眼如炬吁嗟漢乎天不祚有馬不踐中原土侯身雖亾神

萬古

五丈原

五丈原頭動地鼓魏人畏蜀如畏虎營門不開呼者怒
揮戈指天天宇漏將星墮空化為土鍊石心勞竟何補
侯歸上天多舊伍羽為前驅飛後拒忠魂不逐降王車
長衛英孫朝烈祖

青巖山

唐甄濟隱居青巖山安祿山反遣使封刀召之濟引首就
刃竟得免肅宗以為祕書郎命受偽官者列拜以愧之

青巖山甄郎高風不可攀祿山使者封刀還入東京見

小學弦歌

卷三教忠

五

三四下

蔣安

黃蓋帝敕偽官皆下拜鄭虔死貶王維生故人獨有蘇
源明君不見舞象悲啼樂工哭賊斫工屍分象肉

睢陽歎

將軍有齒嚼欲碎將軍有背血成淚生為將星死為厲
盡是山川不平氣二人同心金不利天與一城為國蔽
疆兵坐擁瞋相視孝子忠臣竟誰是千載公名亦天意
君不見河南節度三日至

令公來

唐代宗時僕固懷恩引回紇吐蕃入寇郭子
儀單騎免胄往見之諸酋長皆下馬羅拜遂

定約而還吐
蕃亦夜遁

令公死回紇至令公來葛羅拜後卻三軍前一騎回紇
盟吐蕃退令公度量包天地君不見長安城章敬寺眼
中那有軍容使

司農笏

唐德宗時朱泚反入京師上如奉天泚劫司
農卿段秀實往見段說泚奉迎乘輿不聽且
議稱帝事秀實起奪源休笏前罵泚曰吾恨
不斬汝萬段豈從汝反耶因以笏擊泚中額
流血被面遂遇害上聞之
恨任用不至流涕久之

司農手中無寸鐵奪笏擊賊賊腦裂賊雖未死氣已折
小學弦歌 卷三教忠 六 ウウウ 文根

奉天天子雙淚橫十年棄卿真負卿臣身區區勞記憶
平原太守曾未識

問中使

李希烈反陷洛陽盧杞忌顏真卿遣往宣慰
其軍希烈追送蔡州遣使殺之使至曰有敕
賜死公曰不知使者幾日發長安使者曰從
大梁來公曰然則賊耳何謂敕耶遂繼殺之

問中使幾日發長安老臣當死死不難中使答言從大
梁至大梁賊爾胡稱使君不見吐蕃使者中道亡相臣
節度死鳳翔老姦有貌幸不揚三年飽食居廟堂澧州
客死非人殃

城下盟

宋真宗時契丹大舉人寇寇準力請帝親征抵澶州將士迎擊斬獲大半契丹請盟而退其後王欽若忌準以此役為城下之盟又云陛下寇準之孤注也帝自是疏準

澶州城南見黃蓋澶州城北胡兵退南朝相公方鼐睡
讒言後出功臣猜城下一盟成禍胎孤注之說何危哉
城下盟君不辱猶勝金陵與西蜀當時若恥城下盟縱
寇不追真大錯

安石工

宋徽宗時蔡京籍司馬光等百二十人謂之姦黨請御書刻石端禮門有長安石工當鐫

小學茲歌

卷三教忠

七

文根

字辭曰民愚不知立碑之意但如司馬相公海內稱其正直今以為姦民不忍刻也吏怒欲加罪民泣曰乞免鐫安民二字於石未恐得罪後世聞者愧之

端禮門金石刻丞相手書姦黨籍長安役者安石工不
識人賢愚但識司馬公卑疏不敢預國事幸免刻石為
後累匹夫憤泣天為悲黃門夜半來毀碑碑可毀亦可
建蓋棺事久乃見不見姦黨碑但見姦臣傳

宋史蔡京入姦臣傳

兀朮走

建炎四年金兀朮兵至鎮江韓世忠禦之誠諸將曰敵至必登山觀我虛實乃以百人伏廟中百人伏岸許約聞鼓聲岸兵先發及至廟兵喜先鼓而出獲二人其三跳而免內

一人緋袍玉帶卽兀
尤也遂大破其兵

金山廟前鼓聲起江頭走卻四太子緋袍玉帶墜復跳
華人頓足胡兒喜君不見和尙原頭走秃胡天爲中原
留逆雛他時再作江南圖韓公吳公還有無

金字牌

岳忠武大破金兀尤兵於朱仙鎮兩河豪傑
皆歸附中原應響秦檜力主和議一日發十
二字金字牌使班
師尋下獄死

金字牌從天來將軍痛哭班師回士氣鬱怒聲如雷聲
如雷震三陲幽薊已復無江淮讎虜和壯士死天下事

小學弦歌

卷三教忠

八言廿七
文根
洪章

安有此國之凶嗟晚矣

三字獄

秦檜下岳忠武父子於獄誣以淮西逗遛事
韓世忠詰之檜曰岳雲與張憲書迹雖未明
其事體莫須有世忠曰莫
須有三字何以服天下

朋黨謫天下惜惜不惜貶李迪三字獄天下服服不服
殺武穆姦臣敗國不畏天區區物論眞無權崖州一死
差快意遺恨施郎馬前刺

參謀來

紹興三十一年金主亮犯淮西帝以中書舍
人虞允文參謀軍事且犒師至采石敵已至

我師星散允文激厲將士大破之焚其舟時
劉錡病甚謂允文曰朝廷養兵三十年大功
乃出書生我輩愧死矣

新將代舊將去參謀來軍有主受命犒不命戰參謀行
眞獨斷宋家養兵二百秋大功竟屬書生收翻令愧死
劉揚州君不見陝西歸來笏畫地遺恨他年六州棄

金大將

金天興元年元兵破鈞州總管陳和尚出自
言曰我忠孝軍總領陳和尚也大昌原倒回
谷之捷皆我所爲我死亂軍中人將謂我負
國今日明白死天下必有知我者晉之降不
屈至死罵不絕聲蒙古人以馬潼爵而
祝之曰好男子他日再生當令我得之

小學弦歌

卷三教忠

九三九十五廣順
〇〇〇〇大安

汝何官金大將汝何名陳和尚好男子明白死生金人
死金鬼脛可折吻可裂七尺身軀一腔血金人憤泣元
人誇爭願再生來我家吁嗟乎衣冠左衽尚不恥夷狄
之臣乃如此

花將軍

花雲懷遠人事明太祖官行樞密院守太平
陳友諒圍之迎戰三日城陷被縛公奮臂大
呼縛盡解奪刀殺五六人至死罵不絕口妻
郗氏聞變赴水死子燁方三歲付侍兒孫氏
抱之走屢瀕於危不死卒
達帝所焯後封東邱郡侯

花將軍身長八尺勇絕倫從龍渡江江水渾提劍躍馬

走平陸敵兵不敢逼。主將不敢瞋。殺人如麻。滿川谷。徧體無一刀鎗痕。太平城中三千人。楚賊十萬勢欲吞。將軍怒呼縛盡絕。罵賊如狗狗。不信檣頭萬箭集。如蝟將軍願死不願生。作他人臣。鄙夫人赴水死。有妻不辱將。軍門將軍侍婢身。姓孫收屍葬。母抱兒走爲賊俘。虜隨風塵寄兒漁家。屬漁姥。死生已分歸蒼旻。賊平身歸竊兒去。夜宿陶穴如生墳。亂兵爭舟不得渡。墮水不死如。有神浮槎爲舟蓮。爲食空中老父能。知津孫來抱兒達。行在哭聲上。徹天能聞。帝呼花雲兒。風骨如花雲。手摩小學弦歌。

卷三教忠

十一 子平又 廣順 〇〇〇世 大安

膝置泣復歎。雲汝不死猶兒存。兒年十五官萬戶。九原再拜君王恩。忠臣節婦古稀有。嬰杵尙是男兒身。英靈在世永不朽。下可爲河岳。上可爲星辰。君不見金華文章石。宰史嗟我欲賦。豈有筆力回千鈞。

詠石灰

于謙

千鎚百鍊出深山。烈火燒來只等閒。粉骨碎身渾不怕。要留清白在人間。
公十二歲時人試以題遂作此詩

感賦

劉原博

塞鴈南飛又北旋。上皇音信轉茫然。孤臣自恨無容地。

逆虜誰能共戴天王衍有時知石勒謝玄何日破苻堅
京城四塞山河固一望龍沙一涕漣

匡山大忠祠

陳獻章

天王舟楫浮南海大將旌旗仆北風世亂英雄終死國
時來豎子亦成功身為左袵皆劉豫志復中原有謝公
人眾勝天非一日西湖雲掩岳王宮

謁文山祠

邊貢

丞相英靈迥未消絳帷燈火颯寒颺黃冠日月胡雲斷
碧血山河龍馭遙花外子規燕市月水邊精衛浙江潮
祠堂亦有西湖樹不遣南枝向北朝

後半神到甲信國公詩此為第一

獄中寫懷

鄒智

折檻平生慕古人偶伸狂瞽自危身批鱗已觸雷霆怒
恤緯誰憐草莽臣人到白頭終是盡事垂青史定誰真
夢中不識身猶繫又逐東風入紫宸

忠愛之忱自肺腑流出

辭朝

鄒智

雲韶仙樂奏彤墀伏地纍囚涕淚垂罪大故應誅兩觀
恩寬猶許竄三危盡披肝膽知何日望見衣裳止此時
但願太平無闕事孤臣萬死更何悲

朝審口占

楊繼盛

風吹柳鎖滿城香。簇簇爭看員外郎。豈願同聲稱義士，
可憐長板見君王。聖朝德厚如天地，廷尉稱平過漢唐。
性癖從來歸視死，此身原自不隨楊。

赴西市二首

楊繼盛

浩氣還太虛，丹心照萬古。生前未了事，留與後人補。
天王自聖明，法度高千古。平生未報恩，留作忠魂補。

西竄出都

艾穆

和甫以主事疏劾張居正奪情延杖八十謫戍肅州衛出都時作此

小學弦歌

卷三 教忠

十一 字三万廿三 廣順 〇万廿、廣裕

病向西風一促裝，寥寥征雁塞雲長。流沙萬里原非遠，
去國孤蹤信若狂。楚客江魚身可葬，漢臣馬革骨猶香。
青山到處皆吾土，豈必天南是故鄉。
不怨誹亦不衰頌 是能行乎患難者

寄懷艾和甫西戍

沈思孝

純甫嘉興人官主事與和甫同劾江陵同被廷杖

荷戈南北已經年，長憶西曹共被眠。鴻雁那從秦嶺至，
梅花似向隴頭妍。艱危更覺同心少，慷慨寧要異日傳。
親老似君情轉切，可容歸泛汨江船。

硯銘

趙南星

趙公高邑人嘉靖中進士官吏部尚書劾魏忠賢謫戍代州衛卒諡忠毅

東方未明太白睽睽雞三號更五點今日入朝擊大闥
事成惟汝功不成隨我貶

檻車就逮

繆昌期

文貞官諭德忤魏璫削籍尋矯旨逮下詔獄拷掠而死此就逮時所作

每讀膺滂傳潸然涕不禁而今檻車裏始悟夙根深一
死無餘事三朝未報心南枝應北指視我實園園名陰

被逮北行二首

李應昇

忠毅官御史時劾魏忠賢被逮下獄死

小學弦歌

卷三教忠

三

三才二 蔡淦 〇又廿七 洪章

已作冥鴻計誰知是僂民雷霆驚下界風雨泣孤臣憂
患思賢聖艱難累老親生還何敢望解網頌湯仁
聖德方虛已愚忠敢瀝丹慚無一字補空復數行彈臣
罪應難赦君恩本自寬淒淒楊柳色誰為問南冠

謫戍宣州衛

姜 琛

垂死承恩譴天威咫尺閒荷戈荒徼去收骨瘴江還袞
職猶思補龍髯竟絕攀橋陵千滴淚猶在敬亭山一片血忱

字字 眞摯

衣帶贊

李邦華

崇禎甲申三月十八日外城破公宿
文信公祠取白纈書此贊遂縊死

堂堂丈夫聖賢為徒忠孝大節視死靡渝遭國不造空
負良謨臨危授命庶無愧吾

絕命辭

陳良謨

甲申三月十九日內城破居民爭書順民
字迎賊公時官御史作此詩自縊而死

中天懸日月四海所畢照倏爾陰霧昏日月失常道大
夫百執事其誰念明君愧子沈疴久牀第淹數旬背城
孰盡瘁巷戰杳無聲如何社稷靈順民爭見形載舟亦
覆舟古今同一轍順民即逆民參觀非一日蒼蒼不可
問國亡我何存誓守不二心一死報君恩

小學弦歌

卷三教忠

西三
○七十三
蔡淦
洪章

自贊

劉理順

甲申之難公官左中允妻萬氏妾李氏
請先死公許之俟其目瞑冠帶自贊

成仁取義孔孟所傳信國踐之吾何不然科名既占豈
肯苟全三忠祠內無愧前賢

題案詩

祁彪佳

祁公字幼文山陰人天啟二年進士官御史忤
周延儒南都立忤馬士英削籍王師下江南
題案畢
投水死

圖功為其難潔身為其易吾為其易者聊存潔身志舍

笑入九原浩然留天地

絕命詩呈母

夏完淳

公字存古華亭人吏部郎子龍之子諸生有異稟乙酉南都亡公父起兵太湖兵潰死之公與死俱

孤兒哭無淚與鬼日為鄰古道麻衣客高堂白髮親
咳猶有夢負米竟何人忠孝家門事何須問此身

軍中自銘

袁繼咸

公宜春人自號袁山天啟乙丑進士崇禎末總督九江軍務定左良玉兵變南都亡左夢庚挾與俱北不屈死

小學弦歌

卷二 教忠

十五

文根

死事者易成事者難為嬰弗克為曰維艱張死匪先許
死匪後臣心靡他靖獻我后

高官可做大節難移成仁取義前訓是依文山袁山仰
止庶幾

絕命辭

陳潛夫

公錢塘人由鄉舉官司李遷御史南渡忤馬工英被劾下詔獄唐王立拜太僕少卿紹興陷擊妻妾赴水死

父兮生我申以嚴誨惟孝惟友惟忠與義丙子鄉舉顧
名自勵名曰孝廉當求無愧致身之期歲在癸未司理

開封星言視事以身許君有死無二是時兩河賊氛如
蝟眾人迴車子獨攬轡賊出河朔羣工奔避子乃渡河
擊楫而濟誓清河南以報先帝手披荆榛身禦魍魅獨
張空弩以當賊騎知有封疆九死何畏二十州邑終復
舊地維時先帝鑒子忠瘁授以職方繡衣北蒞惜也諸
奸互相牽制中樞信讒嫉子不媚聯終要圖置之罔遂
三月撤歸可爲隕涕哀哀先人一時捐棄甘旨莫承遺
書淪廢我哀方盈奸怒轉熾赫赫金吾逮子邸第圍牆
幽憂寇氛猝至匍匐歸來挈家奔避航海飄零請兵於
小學弦歌

卷二 教忠

六一〇七〇

文根
洪章

會召募丁男三百而已衣甲糗糧皆子自備血戰江干
二百餘次糧寡兵微於事何裨疾痛呼號徒然憤恚丙
戌五月公侯師潰區區孤軍其何能濟事不可爲偷生
何貴拜別吾母以及諸弟挈吾妻妾從彭咸逝成仁取
義千古如是

絕命辭

黃道周

公字幼平漳浦人天啟壬戌進士崇禎時屢直
諫杖謫唐王立以大學士督師出徽州破執不
屈死之赴義時從者請以數語
遺家乃裂襟鬻指血大書云

綱常萬古節義千秋天地知我家人無憂

弔蔡江門司李

黃道周

蔡公道憲字江門晉江人崇禎十年進士官長沙府推官獻賊陷長沙公罵賊支解而死時年二十九

傳道長沙破江門必不生靈甘辭老母忍訣守孤城碧血光雲漢丹心答聖明古今臣子節無愧堂堂名

弔蔡忠烈公

堵允錫

我友我友江門子黑鬢願身好司李三年冰雪府琴堂嘔盡心肝民屋裏一朝劇賊和江吞十萬戶變魚蝦羹南朝侍郎惟一蔡北面兒曹重見人噴血罵賊賊不了

小學弦歌

卷三教忠

七室五十一廣順
〇二乃の五廣玉

賊不殺公公轉惱千秋正氣生跨箕五丈原頭星照草

絕命吟

唐 誼

唐公武陵人父櫻璫禍下獄公年十四負鎖請代人稱孝子考授司李未任明亡奉遺命起兵勤王弟誠助瞿忠宣守桂林誼保辰龍關全家被執齊公作書招誠公草絕命詞投筆大罵遂

見殺

兩閒正氣無時無大廈將傾誰與扶庸兒謬託保身哲有時忠孝皆為愚豈知仁人與志士臨難不肯稍踟躕如漢瞻尙唐裴劉寥寥千載寧非夫我本布衣曾射策家世忠孝常人殊先人末命銜兒輩舉義不效當就誅

藩籬撤盡外援絕，獨力振臂何堪呼。稽首望闕百無策，一死不作亡國俘。願爲厲鬼滅強敵，精魂漫漫逐哀嗚。鳥

決絕詞

傅作霖

公字潤生，武陵人。崇禎壬午舉人。事永明官兵部尚書。從至武岡時，劉承允擅政議降。大清公怒責之，承允引大兵入城，公冠帶坐堂上，勸降不從。遂死之。妾鄭有殊色，被執驅之過橋，躍入水死。乾隆中，通諭忠節。

戎馬崎嶇聞道來，殘花猶伴戰場開。麻鞵兩載奔天淚，

白髮孤臣搶地哀。莽莽故園何處問，滔滔逝水幾時回。

鍾山風雨今依舊，夜夜銅駝泣草萊。

小學弦歌

卷三 教忠

六十一 廣順
八十五 廣玉

絕命詞

瞿式耜

忠宣事永歷，以大學士臨桂伯留守桂林。庚寅十一月力竭死之。預作此詩書於几案上云。

從容待死與城亡，千古忠臣自主張。三百年來恩澤久，

頭絲猶帶滿天香。

留題百川橋

明 人

南都既陷，有乞丐題詩赴水而死。

三百年來養士朝，如何文武盡皆逃。綱常留在卑田院，

乞丐羞存命一條。

井中心史歌

本朝 顧炎武

崇禎十一年冬蘇州府承天寺浚井得一函曰
大宋鐵函經錮之再重中有書一卷名曰心史
稱大宋孤臣鄭思肖百拜封思肖號所南宋之
遺民其藏書之曰爲德祐九年宋已亡矣而猶
日夜望陳丞相張少保統兵外來以復土宇至
於痛哭流涕而禱之天地盟之大神於是巡撫
都院張公國維刻之以傳又爲所南立祠藏其
函祠中未幾遭國難一如德祐末年之事嗚呼
悲矣昔此書初出太倉守錢君肅樂賦詩二章

小學茲歌

卷二 教忠

九

三ノカノ
章

崑山歸生莊和之及浙東之陷張公赴水死錢
君遜海外卒於瑯琦山歸生亦窮餓以沒獨余
不才浮沈於世故作此歌

有宋遺臣鄭思肖痛哭元人移九廟獨力難將漢鼎扶
孤忠欲向湘纍弔著書一卷稱心史萬古此心心此理
千尋幽井置鐵函百拜丹心今未死扈運應知無百年
得逢明祖再開天黃河已清人不待沈沈水府留光彩
忽見奇書出世閒又驚牧馬滿江山天知世道將反覆
故出此書示臣鵠三十餘年再見之苦心同調復同時

陸公已向匡門死。信國捐軀赴燕市。昔日吟詩弔古人。
幽篁落木愁山鬼。嗚呼蒲黃之輩何其多。宋末蒲壽庚黃萬石所
南見此當如何。

黃侍中祠

顧炎武

侍中祠下水奔渾。有客悲歌叩郭門。古木夜交貞女冢。
光風春返大夫魂。先朝侍從多忠節。當代科名一狀元。
莫道河山今便改。國於天地鎮長存。

劉諫議祠

在昌平舊縣

顧炎武

阜囊青史漫傳名。白日黃泉氣未平。自古國亡緣宦者。
小學弦歌

卷二 教忠

三

三十一

章

可憐身沒尚書生。荒阡草長妖狐出。舊驛風寒劣馬行。
一自德陵升馭後。山河祠廟總淪傾。

己酉過姜如農東萊草堂

宋 琬

拜杖端門下。孤臣命若絲。何堪天譴日。卽是國亡時。諫
草傳梅尉。扁舟混子皮。似君幽隱意。獨有白鷗知。

同時熊給諫。不異楚靈均。破衲稱開士。殘碑記黨人。老
從方外友。悟彼定中身。應據生公石。軍持話宿因。熊公開元

字魚山嘉魚人以直諫被杖國亡後爲僧

呂忠節公輓詩

王士禎

公諱維祺河南人
官兵部尙書死難

一自澗池度風塵。天地昏銅駝。悲故國龍種失。王孫司
馬空居洛。巫陽詎返魂。長令懷古者。流涕上東門。
王孫指福

王被害事

紫陌臨伊岸。青山抱洛中。殺函失天險。父老哭遺忠。秉
國人誰在。騎箕恨未窮。橋陵西望近。應逐鼎湖弓。
橋陵指莊

烈帝思陵

三閭大夫廟

王士禛

懷沙千古恨。弭楫弔靈均。眇眇思公子。依依問楚人。招

小學莖歌

卷二 教忠

三

王士禛

魂龍貝闕遺。恨虎狼秦愁。絕涔陽浦。年年杜若春。

卞忠貞公墓

王士禛

晉蘇峻反。進攻青溪。卞壹以領軍將軍力疾戰死。二子盱眙相隨赴賊並死之。

松柏何蕭蕭。云是卞公墓。背踞冶城顛。前臨大桁路。緬
昔永嘉時。流人競南渡。舉國扇清言。作達相矜慕。惟公
執鄙吝。巖巖畏峯距。一朝荒倉來。旌飛歷陽樹。取節慚
王公。種蕘笑諸庾。堂堂卞將軍。授命青溪渡。父子忠孝
俱大節。光國步。快意溫平南。屨及雷池戍。一戰翦長鯨。
鐘簾仍如故。握爪識忠貞。死綬表風素。英爽載雲旗。陟

降神靈兩咫尺袁司徒異代同金鑄

南將軍廟

王士禛

廟在泗州唐南
霽雲乞師處

范陽戰鼓如轟雷東都已破潼關開山東大半為賊守
常山平原安在哉睢陽獨遏江淮勢義激諸軍動天地
時危戰苦陣雲深裂皆不見官軍至誰與健者南將軍
包胥一哭通風雲抽矢誓讐已慷慨拔劍墮指何嶙峋
賀蘭未滅將軍死嗚呼南八真男子中丞侍郎同日亡
碧血斑斕照青史淮山峩峩淮水深廟門遙對青楓林
小學弦歌 卷三教忠
行人下馬拜秋色一曲鈴淋萬古心

三

三
四十一

小

輓姜貞毅先生

王士禛

公諱採字如農萊陽人崇禎辛未進士以直諫
廷杖戍宣州衛後流寓蘇州卒葬敬亭山下
曾聞碧血裹朝衣滄海橫流萬事非生已變名吳市去
死當埋骨敬亭歸空山落日鳴鷓鴣孤墓深春長蕨薇
魂傍要離君愛弟英靈來往怒濤飛 公弟垓字如須庚
辰進士官行人嘗
疏請代公繫獄不許
國亡後卒於蘇州

陳幾亭僉事殉節詩

王士禛

公諱丹赤閩縣人順治辛卯舉人官溫處道僉
事康熙十四年耿精忠叛總兵祖宏勳降公死

之贈通
政使

爭飛海水動妖氛，大節堂堂獨不羣。
真見司農生擊賊，還同車右死鳴君。
赤城地遠埋殘骨，朱鳥魂歸哭陣雲。
他日東甌應廟食，靈旗風雨夜深聞。

楊茶菴僉事闔門死節詩

王士禛

公號三知良鄉人順治丙戌進士官神木道僉
事參將孫崇雅叛妻妾二女起井死 贈光祿
卿

西來鼙鼓震秦川，神木城頭火夜然。
直向重泉尋八口，居然一死動三邊。
飛書大將論功日，嚼齒孤臣入地年。
小學弦歌 卷二 教忠 三 三 九十七 小
髣髴井榦明月下，苔痕零落聽啼鵑。

劉富川殉節詩

王士禛

公諱欽鄰字江屏廬陵人順治辛丑進士富
川知縣粵西亂死之 贈光祿少卿諡忠節
白沙江上別蒼茫，憶爾廬陵節義鄉。
萬里青燐連桂管，三年碧血照清湘。
烏啼濺淚逢寒食，馬革驚心裏戰場。
望斷銘旌何處是，蒼梧愁絕暮雲黃。

蘭谿丞徐君殉節詩

王士禛

公諱喆廣昌人貢士以蘭谿丞署武康
縣事城破懷印死 贈按察司僉事

連城大帥豎降旛，獨有微官死報恩。
故印猶存同仗節

巫陽無地與招魂。雙松幾歲哦廳事。大鳥何年立墓門。
聞道荒城還渴葬。怒潮穿脇越江昏。

守備劉君夫婦殉節詩

王士禎

公諱士英。官定邊堡守備。朱龍據堡以叛。公與妻郭妾李俱死之。贈雲騎尉。

河套南來花馬池。嚴城一夕滿旌旗。驚傳絕塞豺狼窟。
坐失三軍熊豹姿。恤孤忠留婦女成。仁浩氣屬偏裨。
高牙大纛工翻覆。請視劉君墮淚碑。

皖城懷古

四首之二

王士禎

余忠宣

諱闕字廷心。色目人。元統中進士。至正十八年守安慶。陳友諒攻之。力竭城陷。

小學弦歌

卷三教忠

三

丁卯七月小

自刎墮清水塘死之諡忠宣

清水塘邊余闕祠。雲霄浩氣凜鬢眉。英姿颯爽猶橫槊。
古砌荒涼只斷碑。鶴化千年非故國。雞鳴十廟不同時。
皖江便是田橫島。義士悲歌為涕洟。
忠憤之心則化鶴歸來必不與十廟功臣並歆祠祀也

黃侍中

諱觀字瀾。伯貴池人。洪武辛未會狀。官侍中。守安慶。燕王棣陷南京。公知大事。

已去朝服。東向望闕再拜。投羅剎磯死之。夫人翁氏攜二女自沈於通濟橋。未沈時嘔血於石。至今有血影。

石在清溪祠中

羅剎磯頭落日懸。侍中遺迹至今傳。楚纍有恨沈魚腹。

蜀魄何心化杜鵑家國幾看陵谷變江山猶痛革除年
青溪血影留遺石巾幗還應愧世賢

絕命辭 有序

范承謨

連宵烏鵲南噪曉聞

王師已逾仙霞耿劉二逆初謀攜裝泛海繼以
眾情勿順始議投誠禁卒偵知其情密以慰子
子笑曰二逆即投誠終不免然必先殺我以滅
口因口占示之

一笑襟開萬怒平龍興有寺葬真卿執旗厲鬼爭前導

小學弦歌

卷三教忠

三

二十九 杏

盡掃穿牆穴壁颺

承謨字觀公大學士文程子由編修官福建總督耿精忠叛被幽繫三年

不屈死之此其盡節時所作

桐城謁左忠毅祠

查慎行

公諱光斗桐城人死璫禍

歷歷三朝事他時髮指冠賢人當橫決國勢必摧殘組
豆新楹肅乾坤正氣完如何鄉後輩偏有孔都官 孔都官謂

懷甯阮大鍼也

陳忠愍公 福 輓詩

王又旦

陰風獵獵陣雲低雪滿靈州動鼓鼙絕塞名應傳屬國

前軍星已落。安西五原未復精靈在。百口無歸道路迷。
蕭颯惟聞哀痛詔。城門日出夜烏啼。康熙初三藩叛亂
甘肅應之陳忠愍
蓋以此
時殉節

鐵尚書歌

在東昌
城下作

汪楫

鐵尚書鐵不如。東昌城門朝大開。齊呼萬歲聲如雷。燕
王躍馬及門限。霹靂飛空下懸板。不斷王頭斷馬頭。鼠
竄獐驚箭滿眼。王怒發礮城摧崩。健兒爭把螫弧登。煉
石丸泥難作計。一紙公然出埤垠。萬夫辟易不敢前。大
書太祖高皇帝。黑夜斫營日堅守。能使梟雄還北走。嗚
呼神器天所與。一木隻手能齟齬。錚錚誰比鐵尚書。嗚
呼尚書鐵不如。敘東昌之戰毛髮欲
動讀者懷懍有生氣

小學弦歌

卷三教忠

三

二〇八十六
章

應山縣弔楊忠烈公

喬萊

嗚呼有明神宗之季國。跪光宗繼之更短折。維時先
生官給事。顧命乃與大臣列防微。肩鉅定大計。選侍移
宮。一朝決再起。中丞赴雙闕。大柄已被闖人竊。乾兒義
孫滿朝廊。二十四罪憤所切。赤縣爭高宦者祠。彤廷徧
染中丞血。詎有焚賊楊大洪。舍人寧死心如鐵。或言漢
之廚顧潔其名。唐之牛李營其穴。宋之洛蜀明東林。黨

禍紛紛蹈覆轍封疆已被門戶誤遂譏先生太激烈我
謂此言殊不然藉口保身附名哲假使當年稍媿嬰張
禹孔光更何別君子豈能誤國家目爲黨人正氣絕嗚
呼正氣絕國乃滅此等詩關係名節不小

贈太僕卿高公輓詩

宋 犖

公諱天爵以建昌守殉難閩中

烏石峯高穴。羆虎赤狐跳。跟黃狨舞血牙。鬻炙氣益麤。
紅帕抹首錦纏股。妖氛一夜連汀漳。盱黎城邊波沸湯。
太守弓刀夜乘障。不識真卿作何狀。七尺誓與孤城俱。
小學茲歌卷二教忠
變生肘腋誰周防。去聲嗚呼南八真男兒。壯士隱忍欲有
爲。不成死耳肯作賊。銜鬚茹刀甘如飴。璽書褒忠主
恩厚。汗青焯焯行不朽。顏舌段笏今有無。杏山鐵漢建

昌守

謁睢陽廟

王 攄

祿山陷兩京。唐室勢如沸。立元廟。一哭義聲震天地。誓
死守孤城。非云事必濟。自覆潼關師。乘輿久奔避。賊議
圖江淮。憑茲一旅制。不然鼓而南。誰斷其右臂。惜乎四
百戰。食盡終顛躓。城陷逾三日。援師鎬始至。殺賊雖無

成藉以衛神器從此朔方兵收京功乃遂赫赫精忠祠
允宜祀百世黃巾徧郊垌明季遭傾毀呂侯還舊觀匪
日窮奇麗偶客梁宋閒樞衣拜階彤冕旋坐中央左右
南雷侍動我忠義心一消疲茶氣剔薛讀殘碑峴山同
墮淚力表其遮蔽江淮之功
發揮昌黎意尤爲透切

逢姜塚給事

朱彝尊

黃門先生官左掖力欲拔山氣辟易虎豹天關閉九重
孤臣血肉徒狼籍東萊屠市易沈淪南國相逢淚滿襟
青鞵布韉江湖外誰念當時折檻人敘長篇於八句中
猶書家之縮本也

小學弦歌

卷二教忠

三

陳靖獻公祠

沈 磐

公名迪宣洪武時禮部尙
書靖難兵入不屈磔死

強幹謀成禍亂紆漁陽突騎竟長驅運籌不少黃羅漢
堅壁難逢周亞夫司馬豈聞嫺將略秩宗何自縮兵符
宮車赴火君臣盡一寸丹心逐鼎湖

分茅薊北控巖疆鼙鼓誰教助范陽自有長君圖社稷
不勞叔父佐成王丹心願化千年碧弱息難迴百鍊鋼
纒經何人輕慷慨忠魂總赴白雲鄉
六月霜飛殺氣中收孛令下市朝空生無面目湛三族

死念君王哭兩宮精貫白虹隨落日魂歸丹陛起悲風
宛溪舊接秦淮口嗚咽流澌水不東

秦良玉遺像

沈欽圻 得輿

纓纓銀冑垂紅綬
櫛櫛耀日風前披
滿月粉頰揚青眉
繡旗飄翻擁長鉞
誰人結束整隊伍
知是石砮女士司
英雄自古出巾幗
投石戰場壯顏色
當年平靖奢崇明
一騎紅妝萬人敵
手持長繩入賊陣
縛賊歸來向空擲
思宗季年紛戰爭
勤王誓師萬里行
至尊一語表英武
桃花馬上請長纓
後來獻賊入巴蜀
齟齬不遺橫殺戮

小學茲歌

卷二 教忠

三五 古

勤王兵殘勢窮感子喪弟死一身獨連斬六賊力已殫
拔刀自刎身不辱忠勇義烈兼有之女中張許誰能續
卽今遺像餘桓桓摧激人閒壯士肝願將效死沙場女
追配從軍古木蘭 明史謂良玉壽終于家然作者同時人亦似有據

韓蘄王廟

尤侗

忠武勳名百戰回西湖跨蹇且銜杯英雄短氣莫須有
明哲保身歸去來夜月靈旗搖鐵甕秋風石馬上琴臺
千年遺廟還香火杜宇冬青正可哀

弔楊升菴先生

田雯

堞風茵露哀牢疆山川瘴癘難禁富新都公子老戍客
孤臣萬里堪悲傷當時世廟議大禮撼門痛哭千夫強
仗節抗疏言矯矯于觸蠹尾投蠻荒程朱正論臣所執
今昔僕議誰斟量大禮未定大獄起批鱗折檻空激昂
逢君首事有聰萼議論附會來豐坊明堂秋饗復聚訟
分宜餘毒爭拍張嗚呼先生遂不返箒會峒獠羣相將
木弩含沙火雲熱天教老叻紅檳榔吳粉傅面兩丫髻
簪花擁伎何徜徉都盧倒吹潑醉墨棘兒觀者如堵牆
羈魂漂流夜郎地何異屈子沈沅湘海莊故墟碧雞麓
小學茲歌

卷二 教忠

三

三六九

古

猩猩白晝唬書倉巾杖逍遙鬢眉古圖畫遺像生光芒
竹槍一徑夾流水菊乾楓落寒雲黃潮州儋耳同一轍
祠廟鼉鬪摩青蒼小子夙昔慕高節况值奉命來黔陽
竊願升階更剪紙招魂送蠶冕鄉高吟死去誰憐句
令我涕泗徒滂滂

謁陳大樽先生墓

沈道映

彥徹

富林溪上一盤桓墓道春陰泣漢官未見豐祠傳俎豆
空留皎日照衣冠當年碧血青燐散此地銀濤白馬寒
回首平陵松柏路子規嘯徧朔風酸

定興縣謁楊忠愍祠

方 覲

倔強楊員外，鄉閭尚有光。何須冠獬豸，直欲問豺狼。伏
鑽差無補，當車肯自量。荒祠臨野水，肅拜奠椒漿。忠愍本無

言責而欲為國除奸
置生死於度外也

白溝河弔二忠祠

張公叔夜
文公天祥

金志章

白溝河上夕陽時，下馬荒原弔古祠。北渡中宵悲扼吭，
南冠孤憤漫題詩。鬼謀曹社家同破，龍去崖山事不支。
太息殘碑焚野火，六陵荒草共淒其。

于忠肅公墓

王時翔

小學弦歌

卷三 教忠

三 二十廿九 五

北狩倉皇日，孫申為鄭謀。變疑鸚鵡讖，冤起鷺鶯謳。社
稷功千載，湖山土一抔。嗟哉徐石輩，青史祇遺羞。

書周遇吉傳

李重華

為擾潼關突薊邱，大同搏戰鬼神愁。辭家戰士無旋踵，
報國將軍有斷頭。致死已摧狂孽勢，迎降真恨賊臣謀。
十三陵未餘抔土，千古忠魂哭未休。

蔡將軍歌

有序

徐夔

將軍諱人龍，吳縣人。明天啟壬戌進士，授海州
守備。平猺奮力戰死。子至中率死士入賊巢，獲

父屍執劇賊歸。猺人散走潯州平。詔贈遊擊將軍。

潯江萬重山。門戶爭一峽。賊兵巢其中。出沒援猺捷。將軍慷慨眞人雄。南入百粵西擒戎。有子驍勇如奉叔。前身應是周盤龍。均房山斷無鈎梯。三軍前行路欲迷。大星昨夜隕如火。黃雲闇闇天爲低。豺狼轉多路轉惡。將軍勇氣十倍作。左右盤空搗寶刀。頭顱滿地馳風颭。深林密箐伐鼓急。戰馬悲鳴軍吏泣。仰天拔劍振臂呼。血濺蒼穹據鞍立。長君年少忠軍俱。義激諸軍馳百夫。背小學弦歌。

卷三 教忠

三

二四十三

五

負髑髏血模糊。深入賊巢執其俘。咸陽一舉狐兔盡。大藤險惡今坦途。男兒要自獲死所。慘澹陰風足千古。卞壺握爪誰其儔。温序銜鬢此可數。軍前將士手。口瘡隴上歌。成血淚枯矢。窮兵盡無時。無如公父子眞丈夫。呼如公父子眞丈夫。

黃侍中祠

孫宏

金川萬騎蹴烟塵。扣馬難將大義陳。妻女一時同殉節。君臣千古有完人。魂歸羅刹江聲壯。碑照秦淮血影新。咫尺孝陵松柏路。夜深風雨走青燐。

題遂安鄒廣文效忠圖

方式濟

遂安城大如斗。賊兵來。縣官走。儒官罵。賊賊縛肘。乘機
遁出。豺狼口集。眾擊賊。梃在手。妖星一掃。寧雞狗。賊伏
莽去。還來城門。火棲烏。哀登陣。矢石驅。風雷狂。氛惡霧
層層開。釋重圍。士民喜。歸我絳紗帷。理我舊書史。孤忠
未顯。微官死。當年佐圖兒。折齒兒。今抱圖獻。天子

明史樂府錄二

尤侗

鐵尙書

平原昔有顏太守。濟南今有鐵尙書。老罷當道誰敢過。

小學弦歌

卷三 教忠

三

二二五九

明

北平殿下且迴車。王入城下鐵板。惜哉不中浪沙兔。王
擊礮。豎神牌。高皇帝在何來哉。國可滅身不屈。肉可割
罵不絕。壯哉尙書真似鐵。西涯樂府至元而止。明初止
及花將軍作者特繼其聲。皆

天地間不可無之作
鐵鉉守濟南。燕王隄水灌。城鉉令軍民詐降。伏勇士
開門。侯王入。下板幾中。王大怒。以礮擊城。鉉書高皇
帝神牌懸城上。師不敢擊。既被執。背
立大罵。割其耳鼻。不肯回顧。寸磔之。

十族刑

方先生小韓子。高皇帝稱莊士。老其才。輔少主。革除年
間。枋國是。制作紛紛。亦徒爾。金川門破。鼓聲促。闕下麻

衣來慟哭爲問成王安在哉周公之過誠難贖頭可斷
兮詔不草萬死自甘湛十族哀哉八百七十八併命乃
成先生名走訴高皇帝聞之亦震驚朕誅胡藍百萬黨
未嘗設有十族刑奈何辱我方先生

鄉人稱方孝孺爲小韓子燕王至京召之孝孺衰經
哭闕下王曰我法周公輔成王耳孝孺曰成王安在
王曰伊自焚矣曰何不立成王之子王曰國賴長君
曰何不立成王之弟王曰此朕家事先生母自苦授
筆札令草詔孝孺批數字擲筆於地曰死卽死耳詔
不可草王怒曰汝不顧九族乎孝孺曰便十族奈我
何遂磔於市戮其九族及朋友
門生爲一族凡八百七十三人

景秀才

小學弦歌

卷三 敬忠

三

少
可十八

明

文曲星犯帝座緋衣大夫只一个刺不成可奈何豈有
藥囊提荆軻生爲忠臣死厲鬼鬼能犯駕無重死瓜蔓
之抄亦酷矣榆木川梓宮來此時且避景秀才

景清赴舉時涪安有女爲妖所憑清寓宿妖不至既
去復來問之曰避景秀才耳革命日清爲御史大夫
委蛇侍側人疑之先是太史奏文曲犯帝座急色赤
是日早朝清獨衣緋遂收之得所佩劍詰之日我忍
不死爲此不成天也植立慢罵挾
其齒含血直嚙御衣遂剝其皮死

一卓敬

北平郡金元定徙南昌乃絕覺隋文楊廣亦一姓孰云
至親可勿問國家養士三十年惟得一卓敬文皇此歎

何爲哉樂安之徙所自來

燕王來朝敬密奏北平強幹之地金元所由興也宜徙封南昌以絕禍萌上覽奏大驚曰燕王至親何得及此敬曰楊廣隋文非父子耶上默然文皇嘗曰國家養士三十年惟得一卓敬服其識也其後高煦有逆謀上削護衛徙樂安州謂太子曰此地去北京近即聞變朝發夕就擒矣

兩狀元

宋有兩狀元夢炎與文山明有兩狀元胡靖與黃觀科第同一時忠奸天壤間偉哉侍中眞丈夫夫人烈女世亦無寧甘舉室埋魚腹不忍將身配象奴

觀募兵上江聞變大哭謂人曰吾妻翁氏有志節必死矣招魂葬之明日家人至云夫人給配象奴持斂

小學弦歌

卷三教忠

壹

釧伴令出巾酒肴急攜二女回家屬十餘人投淮清橋下死矣觀遂朝服東向再拜投羅刹磯死

一郡守

一郡守敢舉兵誰共事黃太卿公朝臣可四出善土臣守吾職給事來同戮力誓捐軀報希直君不見楊生痛哭琴川水黃公沈屍忽自起王賓韓奔兩山人何不夷門送公子

蘇州知府姚善約五郡勤王黃子澄至謀共航海善曰公朝臣可四出號召善守土當與城存亡後爲許千戶縛獻文皇曰若一郡守乃敢舉兵抗我善不屈礫之給事黃鉞以方孝孺書致善相期許國善死鉞登琴川橋哭祭之奮身入水死友人楊福日夜泣橋側數日屍忽自出立水中王賓韓奔吳門高隱皆善

所禮士也

閣門使

閣門使鐵簡賜谷長史兼理六王事當局不敢讓臣義應如是殿下百世後難逃一个字下詔獄徽髮死嗟乎此真文成子張辟疆豚犬耳

劉璟為閣門使太祖賜鐵簡令糾不職者既授谷王長史兼提調肅遼度寧燕趙六王事嘗至燕與王奕璟勝王曰公不少讓我耶璟正色曰可讓則讓不可讓璟不敢讓也革命日逮至見上猶稱殿下且曰殿下百世後逃不得一个字

生程濟

小學菴歌

卷三 執忠

姜

為忠臣為智士死高翔生程濟身免乎軍中祭君免乎宮中荆君乘車臣執轡君登舟臣操柁寒則燎衣飢持楸四海從亡多故人道旁相見惟流涕萬水千山風復雨送君還上金陵去天外龍蛇有日歸冥冥鴻飛不知處

濟與高翔善翔曰願為忠臣濟曰願為智士後翔死難濟從軍徐州諸將立碑紀功濟一夜往祭碑文皇見碑大怒椎之遽止曰為我錄姓名來濟名當椎處得免帝出亡濟以道人從既至南京曰吾事畢矣遂去不知所之

城門勳

龔生十七金川卒提戈難拒燕師入亡命任陽大困中
賣藥歸來已頭白開門小侯景隆死谷王罪坐十八子
諸公薦仕本無傷恐負城門一慟耳同時儲福燕山軍
二十好義逃江濱一朝束縛思故主仰天大哭殉其身
杞梁有妻亦善哭深山血淚殷紅裙至今席草生秋墳

龔詡爲金川門卒燕師至谷王降詡慟哭去之變姓名王大章走任陽寄大姓馬陳二家匿困中讀書賣藥授徒二十餘年宣德中始歸周忱薦爲本邑學官辭曰詡卽仕無害於義但負往日城門一慟耳燕山衛卒儲福挈母妻逃去旣獲調曲靖舟行次仰天哭曰吾雖一介賤卒義不爲逆竟不食死妻范營地葬之每哭其夫則走山谷中大號不欲聞之姑也一日往澗邊浣衣有席草生其旁因取織以養姑范沒草

小學弦歌

卷三教忠

三

可廿八

不生土人義而祀之

覓魚嘯

上皇狩在土木國有君難迎復上皇返在南城君有子
難力爭少保本爲社稷計竭其忠貞圖事濟不濟則以
死繼之此一腔血灑何地當時景帝果不起不於上皇
必太子謀立襄藩豈有之不過亨等意如此石將軍下
獄死武功伯成金齒天道復反反乎爾旌功祠西湖南
鷺鷥冰上走何處覓魚嘯

謙嘗自歎此一腔血灑於何地石亨等誣其迎立襄王王文反復爭辨謙言亨等意已如此辨之何益時

有語云鷺鷥冰上走何處
覓魚嫌魚嫌與于謙同音

翰林四諫

翰林四諫名誰何。楓山定山黃與羅。內殿燒燈踏姪娥。
外廷傳相進豔歌。闕下杖者血滂沱。直哉三君名不磨。
一峰抗疏前乎此。文達先生媿弟子。起復不過一年耳。
亡何又見陳文死。寄書爲報南陽李。

成化初有旨翰林諸臣分題預作鰲山燈火詩編修
章懋黃仲昭檢討莊景疏諫廷杖謫外先是修撰羅
倫論李賢奪情事貶時稱四諫賢起復在成化二年
五月其年十二月卒倫之逐內閣陳文與有力焉文
死無名子投以輓詩云九泉若
見南陽本爲道羅倫已復官

小學弦歌

卷三教忠

三

五十七

杏

石城吏

三巴書生一年少。手持封章天門叫。身親三木氣不撓。
西風竄走五竿道。長沙痛哭死何早。石城吏目官雖小。
卻笑紙糊三閣老。

鄒智年十六中解元後以直言謫石城吏目卒年
二十有六時有語云紙糊三閣老泥塑六尙書

悲青霞

青霞意氣何矯矯。酒酣痛讀出師表。林甫檜篙三賊臣。
象爲木偶射冥身。但弔沙場哭冤鬼。誰料孤臣此中死。
我冠手劍顯忠魂。兵書亦牘至今存。

沈鍊爲錦衣經歷嘗飲世蕃所酒酣讀出師表慷慨
泣下已効嚴嵩父子十罪杖四十謫田保安邊人從
鍊遊爭唾罵嵩束芻爲偶人三像林甫檜及嵩而射
之嵩聞大怒以屬總督楊順順應州之敗殺邊民獻
獄鍊心傷之爲詩云試聽沙場風雨夜冤魂相喚竟
頭顱順惠且懼會捕白蓮妖黨竄鍊名籍中嵩從中
下其事戮之榜示邊塞禁藏沈氏遺文諸生武崇文
歛其橐將火之忽中惡仆地見鍊我冠緋衣手劍叱
之懼而瘞之後圃事白穴地出
之今所傳鳴劍集兵書赤牘也

碧血限

一仇鸞困君死相嵩父子百倍此惜哉不聽夫人言何
以報爲且歸耳五姦十罪春秋筆嘗聞君明則臣直直
而無禮或有之詐傳令旨是何律風吹柳鎖滿城香絕

小學弦歌

卷二教忠

三

命吟詩堪於邑冥冥知已有應生藏血三年當化碧

仇鸞既誅上思楊繼盛言自謫所遷至兵部員外繼
盛中夜咤歎曰何以報上恩妻張氏曰公休矣一仇
鸞困公幾死今相嵩父子百倍鸞也何以報爲且歸
耳繼盛慨然曰吾知所報矣遂上疏劾嵩十大罪五
奸上怒其引用二王擬詐傳親王令旨律絞或曰不
犯律犯聖經直而無禮則絞也繼盛每朝審都人夾
道擁觀指曰此天下義士繼盛口吟云風吹柳鎖滿
城香篋簇爭看員外郎獄吏應生奉事倍至繼盛感
之曰藏吾血三年而
化碧必有以報應生

海瑞疏

世宗在位四十五建言諸臣皆圖土末年乃有海瑞疏
直許乘輿干上怒擲地不已繞殿步莫走一官左右顧

忠臣豈肯逃亡去。再讀再思旋悔悟。大行賓天應釋汝。
獄吏酒肴相勞苦。但願飽啖得死所。誰知晏駕驚聞訃。
仰天一哭還嘔吐。此日方看臣哭主。當時尙擬子罵父。
瑞疏上上覽之大怒投於地繞案而行曰莫教走了
一官左右女官竊語曰彼爲忠臣豈肯走耶已復取
再讀之感動太息留中數月會上疾煩憊批下錦衣
衛挈問擬子罵父律未決上崩獄吏知瑞必釋攜酒
肴慰勞瑞意將刑飲啖不徹吏曰先生今日何歡甚
瑞曰欲作飽鬼耳吏曰先生無誤也上晏駕矣瑞聞
之大慟嘔出
飲食乃已

哀應山

應山椒山之後身。大聲偉貌如天人。手扶幼主出宮門。

小學弦歌

卷三教忠

罕

四十九

杏

呵叱羣鬼不敢嘖。忠賢大罪二十四。當如守忠卽安置。
言未脫口頭先碎。血衣裹屍無葬地。臣死上訴高皇帝。

楊漣應山疏劾忠賢二十四罪中書吳懷賢讀之擊
節稱快旁注曰當如在守忠卽時安置忠賢聞之卽
逮下獄
拷死

池中死

江萬里有止水。高御史池中死。大臣不辱義如此。哀哉
諸公卿狼籍埋西寺。不死西市死東林。始信東林有君

子。

高攀龍聞緹騎至焚香沐浴手繕遺疏封授其子世
儒夜半密起整衣冠望闕叩頭自投園池疏曰臣雖

削籍舊屬大臣大臣不可辱辱大臣
則辱國矣謹北面以效屈平之遺

五人墓

閭門轟轟來緹騎吏部挺身就拘繫滿城罷市相呼至
校尉銀鐙聲何厲東廠逮官乃無忌闕然一擊羣狐斃
願與周公同入地顏佩韋自奇士一時五人爭徇義後
人瘞之虎邱寺劍池月明魂魄毅君不見魏與崔斲棺
斬屍揚其灰松耶柏耶安在哉惟有五人之墓長歲巍

周順昌被逮士民數千人擁至使署呼冤緹騎擲銀
鐙厲聲曰東廠逮人鼠輩何敢紛紛市人顏佩韋曰
吾以爲旨出朝廷乃東廠耶眾怒闕然而登殿緹騎
立斃巡撫上其事順昌死詔獄殺佩韋及沈揚周文

小學弦歌

卷三教忠

聖

334 廿八 小

元馬傑楊念如五人於市後人
葬之虎邱寺旁題曰五人之墓

雁門哀

關內洪關外盧雁門孫公亦丈夫秦城百二障京都據
關守險真良圖飛檄趨戰何爲乎勞師轉餉幾千里天
雨路斷鼓聲死火車挂輓奔不止四萬良家血化水尙
書橫刀沒殘壘嗚呼潼關失天下事去矣惜哉蠟書計
不成襄陽并殺邱公子

洪承疇督關中盧象昇督關外孫傳庭繼之欲固守
爲持久計秦人弗是也累上疏趨戰且傳危語啗喝
傳庭不得已出關與賊遇屢有斬獲至郊縣天雨道
渾糧車不至士馬飢困乃還師迎糧賊追之傳庭退

保潼關賊從南山繞出其背夾攻力不敵關破傳庭
與參軍喬元柱躍馬大呼沒於陣初相國邱瑜子之
陶年二十有器略宜城陷爲自成所得授兵政府令
守襄陽潛遣人間道以蠟書貽傳庭曰督師與戰吾
當詭左兵大至彼必返顧督師尾其後我從中起賊
可擒也傳庭大喜報以手書爲賊邏獲自成既困督
師之陶果舉火報東師至自成呼而詰之
出孫書責其負已支解之之陶大罵而死

吳橋行

吳橋一相公會稽一司農孟家父子汪夫婦中允闔門
皆死忠其他仗節諸君子大書特書從同同朝公卿
相勞苦降表新修迎僞主次者乞命權將軍下者抄家
刑政府節義文章真可惜武臣內臣何足責丈夫橫屍
小學弦歌

卷三 教忠

學三 五百世
五十九 小

在疆場求活草間能幾日

京師陷大學士范景文望闕再拜自經家人解之乃
賦詩二首潛赴龍泉菴古井死戶部尚書倪元璐衣
冠向闕北謝天子南謝母酌酒漢壽亭侯前投繯死
刑部侍郎孟兆祥守正陽門死門下妻何氏亦死子
進士章明收葬父屍歸別妻王氏將從父死妻曰爾
死我亦死置二樽妻先縊章明繼之簡討汪偉繼妻
耿氏呼酒命酌爲兩縵梁間偉就右耿就左皆縊耿
曰止止雖顛沛夫婦之序不可亂也復解縵左右
序而死中允劉理順題詩於壁酌酒自盡妻萬氏妾
李氏子孝廉并僕婢十八人闔門縊死此外又有馬
世奇王家彥金鉉周鳳翔吳麟徵李邦華吳甘來王
章陳良謨陳純德申佳指許直戊德趙譔于騰蛟李
國楨劉文炳鞏承固張慶臻衛時
春李若珪高文采王國興諸人

贈堯菴禪師

沈永合

浮生閱盡幾滄桑。獨臥寒雲擁竹牀。百鍊身猶餘鐵石。
萬言字。尙挾風霜。列朝文獻徵遺史。一代天龍護法王。
士女爭來瞻瑞相。使君故是宰河陽。
藥菴卽熊魚山也。初令吳江擢給諫。以劾周延儒廷杖。謫戍明亡後爲僧。

梅花嶺拜史忠正墓

徐善

廣陵城邊花柳簇。廣陵城上鴟梟哭。鐵礮崩城罅尙新。
碧血燐燐古苔綠。憶昔黃巾覆漢宮。孝陵弓劍在江東。
孤臣獨倚宗留守。運去空悲吾道窮。廬壽厯陽開四鎮。
纍纍登壇懸鵠印。金錢百萬耗司農。貂裘五千歌破陣。
天子宮中醉莫愁。火照甘泉渾不問。白馬青絲撼地來。
黃旗紫蓋隨波盡。我我視師臺。沈沈閉鈴閣。前軍鼓聲
死後隊融風。作四面雲梯肉薄。登一身菹醢。心無炸烈。
膽如瓜。刃上擎。明星似斗營中落。牙門突將蕭摩訶。十
三射生絕洮河。握刀帳下終不去。藏公遺蛻山之阿。刻
香結蒲聊復爾。烏白馬角傷如何。雖無東園林也學。祁
連豕黃昏松柏。閃雲旗白草麒麟臥。荒壠無數梅花向。
日開照徹冰心常。炯炯梅花開落冬。復春幾回飛雪隨。
風塵遺民還有樂。公社麥飯年年淚如瀉。

小學玄歌

卷二 教忠

聖

二七

明

吳陳忠潔公

雷象豫

公諱純德字靜生零陵人崇禎庚辰進士官御史督畿輔學政甲申都城陷自縊死諡忠潔

五十年來百鍊身那堪氛祲甚黃巾
盈廷空有三千士殉節纔聞廿一臣
生既秉靈參嶽麓死當騎尾列星辰

至今風雨殘春夕碧血猶疑泣鬼神
甲申之難文臣死國者大學士范公

景文以下共二十一人陳公其一也

雁門司馬行

吳偉業

孫公傳庭字伯雅號白谷振武衛人萬曆己未進士崇禎壬午以兵部尚書督師陝西將憑關扼賊廷議趣之戰不得已始出天淫雨糧糧不繼師大潰潼關陷力戰死妻張率二女六妾沈

小學弦歌

卷三教忠

墨

子先

明蔡

於井八歲子世寧遺民收養之

雁門尚書受專征登壇顧盼三軍驚身長八尺左右射
坐上咄叱風雲生家居絕塞愛死士一日費盡千黃金
讀書致身取將相關西鼠子方縱橫長安城頭揮羽扇
臥甲韜弓不忘戰持重能收壯士心沈機好待凶徒變
忽傳使者上都來夜半星馳馬流汗覆轍寧堪似往年
催軍還用松山箭尚書得詔初沈吟蹶起橫刀忽長歎
我今不死非英雄古來得失誰由算椎牛誓眾出潼關
墟落蕭條餉難六月炎蒸驅萬馬二嶠風雨斷千山

雄心慷慨宵飛檄。殺氣憑陵老據鞍。掃箠謀成頻撫劍。
量沙力盡爲傳餐。尙書戰敗追兵急。退守巖關收潰卒。
此地乘高足萬全。只今天險嗟何及。蟻聚蜂屯已入城。
持矛瞋目呼狂賊。戰馬嘶鳴失主歸。橫尸撐距無能識。
烏鳶啄肉北風寒。寡鵠孤鸞不忍看。願逐相公忠義死。
一門恨血土花斑。故園有子音書絕。勾注烽烟路百盤。
欲走雲中穿紫塞。別尋奇道訪長安。長安到日添悲哽。
繭足荆榛見智井。輓轡繩斷野苔生。幾尺枯泉浸形影。
永夜曾歸風露清。經秋不化冰霜冷。二女何年駕碧鸞。
小學弦歌

卷三 教忠

望

三九十七
二〇〇の

之

七姬無塚埋紅粉。複壁藏兒定有無。破巢窮鳥問將雛。
時來作使千兵勢。運去流離六尺孤。旁人指點牽衣袂。
相看一痛眞吾弟。訣絕難爲老母心。護持始識遺民意。
回首潼關廢壘高。知公於此葬蓬蒿。沙沈白骨魂應在。
雨洗金瘡恨未消。渭水無情自東去。殘鴉落日藍田樹。
青史誰人哭薜碑。赤眉銅馬知何處。嗚呼材官鐵騎看。
如雲不降卽走徒。紛紛尙書養士三十載。一時同死何。
無人至今惟說喬參軍。

喬遷高定襄人由拔貢遷副使
監孫公軍關城破手劍大呼曰

我監軍道喬某也
手刃數人而死

拜于忠肅公墓

馮浩

九廟將傾隻手當，坐令中外固金湯。濟時遠勝唐靈武，失策羞稱宋靖康。絕塞居然生馬角，元勳何罪死魚腸。氛霾披豁青霄朗，高揭丹心日月光。

調方正學先生祠

齊圖南

孟氏有遺言，浩然塞天地。卓哉方先生，綱常萬古繫。明祖昔召見，早決英偉器。命之傳蜀王，齋以正學識。踐阼及太孫，稽古榮卿貳。骨肉磨兵來，虜王力難制。御溝走倉卒，宮社長委棄。先生邦之望，折節請廷議。奪彼衮冕，魄揮以衰絰。淚不顧十族，夷肯向五刑。悻成王安在哉，一語誅篡偽。廟祀崇鄉邦，俎豆今弗替。乃至大節扶，捐軀勿餒氣。

小學弦歌

卷三 教忠

巽

二十九

社

夢中作贈陳公 并序

許燦

戊辰歲暮，夢偉丈夫自言陳姓名山菽，山東人。宋季仕為浙東某邑丞，元兵下江南，拒戰赴錢塘江死，贈以詩，一字不忘，存以志異。

一旅橫江戰霧昏，孤忠留得至今魂。獨嗟史策遺名氏，何處桑麻長子孫。正氣還同柴市烈，怒濤猶逐伍胥奔。

祥興逸事誰能記更駐靈旗與細論此事甚奇然忠臣義士之精誠耿耿

不滅理固然也

弔周將軍遇吉

邵長蘅

崇禎十七年甲申賊犯寧武公血戰七晝夜力竭死之夫人劉善射發二矢輒殪一賊城陷闔

門自焚

櫓槍狂驅萬獸橫
九州無完土
成血骨
益城池
所過堅城孰抗拒
寧武一城如彈丸
誰歟守者周將軍
將軍票鷄健絕倫
生駒攬陣刀截雲
見賊如蝟身愈輕
手挈髑髏茜袍腥
力竭罵賊血齒齧
旗竿矢集怒益震
小學弦歌

卷三教忠

星 二卷八 七十七 小

楊忠烈公祠

沈德潛

公諱漣字大洪應山人萬曆丁未進士官給事中熹宗立抗言請李選侍移宮旋刻魏宗賢二

十四罪下獄死

古來慘毒那有此獄中駢死六君子
諸公連類首應山
婦寺義兒同切齒
惟公激烈稱孤忠
倉卒定變先移宮

後陳二十四大罪。照徹鬼膽。磨青銅。擊姦不中。受奇禍。骸骼暴日。屍生蟲。妻孥城樓飽風雪。身後餘毒流無窮。人之云亡。邦國瘁。明社沈淪。等兒戲。只有孤臣一片心。地下可訴高皇帝。德安故里有遺祠。颯颯靈風吹滿旗。行人下馬肅瞻拜。如見髯髯戟立時。

濟南雙忠祠

沈德潛

祀巡按御史長洲宋公
學朱暨歷城知縣韓公

大軍向南下屯。聚攻危城。雲梯攀堞。爭先登陣。雲壓城。城欲崩。御史率縣令奮臂抗強敵。殺馬食民。民不忍食。小學弦歌。

卷三 教忠

吳

三十一

杏

裏創吮血。列防衛。援絕兵殘。勢危急。是時日色無晶光。天地黯慘。飛嚴霜。史登城望闕。再拜稱臣。萬死無以報。陛下一身誓與城俱亡。須臾城隅陷。被賊志不屈。大聲呵叱如雷霆。面受刀傷。漬碧血。冲天烈燄。骸骼銷。先軫歸元。竟空說。兩公同日死。騎箕遊吳穹。握拳透爪。追英風。邦人立廟崇雙忠。神之來兮。雲旗紅。嗚呼。千秋享祀。歷城下。以愧爲臣。而懷二心者。

蔡將軍歌

沈德潛

公諱人龍。吳縣人。武進士。官潯州守備。猺亂力戰死。子至中率士人藤峽俘其魁。縱火焚。

之藤
岐平

蔡侯人號飛將軍身長九尺勇絕倫左射右射開六鈞
上馬下馬舉百斤生兒更似李亞子一門驍勇非常人
時逢猺獠反藤峽草木爲屋山爲門猿獠出沒肆攫奪
青天白日殲平民將軍奉詔入重地膽大直欲包其身
十盪十決勢莫敵生鶻橫入烏鴉羣峽深路險援兵絕
漫山賊眾如峰屯將軍願死不願生呼聲動天雙目瞋
伏劍血流體僵立義憤上訴天爲昏郎君痛哭召死士
拔刀誓眾風雷奔前軀遇賊氣欲吞殺賊不異屠雞豚

小學弦歌

卷三教忠

吳

三十一

明

深入巢穴縛渠寇揮刀寸脰何紛綸餘黨拘攀夾礎斧
一火木石俱遭焚掃清藤峽只旦夕報主差足酬先臣
當年平播磔朝棟史書劉縱昭殊勳將軍父子闕紀錄
雖經贈爵終沈淪敢告右史秉特筆臣忠子孝光乾坤

華陽令沈公殉節詩

沈德潛

公諱雲祚太倉人崇禎庚辰進士令華陽賊陷
成都罵賊死王師平蜀子荀蔚作蜀難記上
史館得
崇祀云

風塵暗王室梟獍戕西川夔門已下如破竹成都一髮
千鈞懸縣令攄誠豫告蜀府散金百萬感激軍伍忘身

殺賊報天子在天之靈仰列祖不然疆場豕突玉石焚
爲賊守財徒自苦徙薪曲突謀不庸賊兵蜂屯蟻聚來
環攻礮車奮擊摧崇墉守陴奔竄四門陷遠近烈燄天
俱紅是時神京適殘破鼎湖龍去難攀從街衢塵市盡
羶穢灰燼廟社移鐘鏞兩地生靈盡塗炭蜀都千里萬
里不欲留兒童血人於牙談笑殺戮吾生爾生族爾族
幽囚臣僚列枷杻脅以刀鋸誘以祿赫赫華陽公嚙齒
裂兩目有口吞賊輩豈肯食賊粟呼聲未絕身首分此
口何人收骨肉錦江之水帶血流白日猶聞鬼神哭彼
蒼回殺氣應運生 聖人命將斬旄頭一劍清妖氛
兩川坦道無荆棘破巢幸有完卵存陳情當事達 九
闈 天子曰俞命爾史臣大書特書表忠烈日月照
耀懸高旻嗚呼千秋可配睢陽之齒常山舌嗟爾降賊
諸人草間活

題魏忠節公暨子孝烈先生遺像 沈德潛

公諱大中字廓園嘉善人萬歷丙辰進士官都
給事中劾魏忠賢削籍歸尋矯詔逮下鎮撫司
獄誣以賊拷掠備至旣死仍毀其屍諡忠節子
學溷且夕哀號水漿不入口亦死私諡孝烈先
生學濂甲申
亦死於難

小學弦歌

卷三教忠

五

三六十七
八十一
明

委鬼當頭坐。居然稱上公。奄人重正人。欲認爲同宗。忠節堅拒撓。其鋒況繼楊。左攻姦凶維。時太阿倒持天聽。聳詔下削籍。旋逮問。萬重號泣喧耆童。坐賊提入鎮。撫獄五日一比備。慘毒豈有貪。賊楊大洪廓園清節同。冰玉大聲呵斥許。顯純鬼膽欲破刑。逾酷中夜斃命神鬼哀。出獄無從識面目。父能盡忠子能盡孝。始焉尾檻車。百計營求免。凌蹶繼焉持喪歸。日夕呼號無可告。病深靡去藥。吾父獄中誰爲醫。夜昏不點燭。吾父獄中誰與輝。後公而死纔百日。地下惟恐遲追隨。三光忽回陽。忠小學弦歌 卷三教忠 至 三九十二 雨 七十二

馬文毅公殉節死

沈德潛

公諱雄鎮。漢軍旗人。巡撫廣西。康熙甲寅。吳三桂反。孫延瀚應之。欲降公公。自縊。自刎皆不得死。被幽囚四年。獄中著策草辨疑。妾顧氏所手寫也。未幾公被害。家屬從死者四十餘人。二子先入京告變得免。二幼子殉焉。

臣死國子死。父妻妾死。夫僕死。主一門靖節。今古難飲。食如飴。視刀俎。幽囚密室辨草書。點畫波磔分形模。寸

心有主那肯亂授經黃霸同恬愉簪花小楷侍姬注區
部標目疑文儒身騎箕尾正氣在神鬼呵護干戈餘長
蛇剪屠貔貍殪青史千秋表忠義旌公大節重公藝書
傳顏平原歌傳文信國與公三絕同手澤燈前翻閱逢
精靈恨血燐燐到今碧

布政使張公耀挽歌

屈大均

崇禎癸未獻賊陷貴陽文武吏皆逃布政使三
原張公耀手刃數賊賊脅降不屈罵益厲賊割
其舌支解之

貴陽城崩誰巷戰參政張公奮刀箭手提銀印血模糊
小學弦歌

卷三教忠

五

二〇四一

五

冒陣一呼天地變賊憐神勇欲降公泰山自擲鼎鑊中
奮罵一軍皆辟易舌如電光不敢食丈夫羞與賊同生
妾媵歡然爭死敵願爲良臣安可得殺身成仁亦何益
腐肉如山魂袒裊白晝賊中猶盪擊

二姜先生祠

給事塚
行人塚

潘耒

軾轍齊名世早知百年忠義繫人思忠傳折檻排奸日
義想銜刀伏闕時兩地青燐埋宿草一山紅葉妥新祠
吳門野老多相識雪涕來看幼婦碑

拜姜給諫墓

潘耒

青峰一曲抱愁雲。中有先朝諫議墳。往日兒童識鄒浩。
到今野老哭劉黃。山頭樹屋稱殘卒。地下戎衣見故君。
埋骨便爲乾淨土。豐碑華表漫紛紜。

厓山

潘耒

厓山尙住宋遺民。文陸當年事苦辛。窮海不春猶正朔。
孤航無土自君臣。忠魂鬱作鯨濤怒。浩氣蒸成蜃闕新。
異代流風多感激。草間時有納肝人。

節義歌

羅登選

小學弦歌

乾隆丙午臺灣林爽文作亂戕彰化令劉亨基
其子利劍格賊賊又殺之女滿姑年十八隨母
卷三教忠

五

二〇九

之

張氏投池水賊出之女罵不絕口賊怒割去其
鼻脣及兩乳女嚙賊手流血過腕被刳腹而死
事聞詔旌卹
并祀烈女祠

海上魍魎畫陸梁。彰化城中如沸湯。劉家有女處閨房。
握髮出走心戰惶。父死兄死在一堂。哭泣隨母赴池塘。
池塘淺隘停汗潢。賊眾援出水中中央。甘心一死厲雪霜。
割鼻截乳心不創。齒牙切切如斧斨。嚙賊流血賊莫當。
賊渠大怒刳腹腸。筋骨雖斷身不僵。寧爲橫屍棄道旁。
不可偷生望故鄉。君恩未報父已亡。金湯如故憾不
忘。天子曰吁女可傷。恤女祠祭爲女光。

弔祁忠敏公彪佳

蔣士銓

二十官人作司李。飢卒譁然見公止。三吳亂賊一手禽。
江左屏藩祁御史。直道不行飄然歸。戴山拜侍劉公帷。
再起再出時事非。國亡忍食西山薇。西洋港中念臺死。
徑往雲門挈妻子。別廟文成絕命詩。笑曰人生一世矣。
角巾端坐淺水中。得正而斃含笑容。誰死江湖死廊廟。
同年尙有倪鴻寶。

新昌縣典史諸公士英死事詩

蔣士銓

雲南反江西亂軍民逃官吏竄會稽人諸士英叶尉新

小學弦歌

卷三教忠

蓄

丁九十一世

明

昌有妻傅有母王有三子一女有僕諸福臧獲良母年
八十兒年四十九孤城如斗兒獨守力盡被賊縛罵賊
不絕口啖以冠帶怖以刃妻子悲啼一何有賊曰降不
降公曰殺便殺筆挺交下血肉飛懷乎臣節不可拔臨
刑口占二十字就義從容持定志明日母卒列兩楹贈
秩主簿遣官祭妻子飢寒留異地三年求乞骨始歸忠
臣官小傷如是嗚呼幼慕文山號文水終與信公同一
死咄嗟何人典史耳典史死事懼失實太史之書存特
筆康熙甲寅年仲冬廿一日

文信國公祠

趙翼

三百餘年養士恩。故應未造澤猶存。半生聲伎勤王散。一代科名死事尊。滿地白翎人。換世空山朱噶客。招魂笑他北去留。承旨也是南朝一狀元。一黨一藉流芳遺臭此等詩可以廉

頑立

弔桂林留守瞿忠宣公

趙翼

風洞山前土尚香。公與張公同從容就義耿剛腸。久拚

白刃為歸路。肯乞黃冠返故鄉。宗澤心期河速渡。福興

身殉國垂亡。宗汝霖守汴完顏福興守燕皆留守事易名真荷如天度。偏

小學弦歌

卷三教忠

聖

三教忠

杜

為殷頑特表章

五人墓

趙翼

明嘉宗時魏忠賢矯詔逮吏部郎周公順昌吳人憤殺校尉有顏佩章楊念如沈揚馬傑周文元五人死於義

駕帖來逮吏部吳民號旂尉怒大聲呼囚趣對簿誰何
健者揮老拳狐鼠紛紛竄無路博浪一椎全秦動北軍
盡袒諸呂懼豈惟激變事可駭緹騎從此不出捕君看
德陵晏駕時奸倖薰天勢已固點將錄早打網盡頌璫
祠皆向火附詎有蕃武收黃門并無訓注謀甘露縱撰

九錫盜神器中外臣僚孰枝梧正慮草澤有君等或起
義旗挽天步奸謀坐是不敢發信邸從容來踐阼乃知
此舉功實偉又延十七載國祚我來懷古過墓旁彷彿
生氣尙盤互相傳地卽普惠基幻出神奇從臭腐媚奄
翻奉擊奄人蟬綏蟹管理難悟襟山帶水一佳城卜吉
者誰毛一鷺墓基卽普惠祠毛一鷺所建以頌墻者也

閩典史祠

趙翼

公諱應元北通州人明末官江陰典史南京亡州縣多起兵自保公死守江陰八十一日乃下城陷死之

小學弦歌

卷三教忠

五

三十七

七

王師當日下金陵大江以南望風迎小朝廷已被俘去
爲誰保此彈丸城國亡援絕獨拒守作計雖謬心則貞
姓名已入點鬼簿滿城皆鬼作鬼兵以鬼易人一當一
人則怕死鬼怕生梯衝環攻百道禦積屍高與雉堞平
縛芻爲人夜取箭絕糧出卒霧斫營軍久絕糧懸鼠掘
士不解甲蟻蟲生相持八十有一日一日中有千輪羸
君山礮聲沸江水鐵騎平明滿街市短兵巷戰血尺深
袒臂一呼仆者起力盡俱甘駢首戮自今白骨填荆杞
嗚呼明季雖多殉節臣乙酉之變殊少人將帥降旛蚤

豎壘公卿欵表先趨崖高門王謝獻城亟盛名巢由拜
路頻何哉節烈奇男子乃出區區一典史

弔房縣令郝景春

趙翼

公字滿和江都人由鄉舉令房山時總理熊文燦主撫招賊十餘萬安插房山明年賊反城陷

公父子
罵賊死

房縣城頭殺氣黑死聲入鼓鼓皮裂一片刀光滿地來
頸血如湯浴鐵熱臨危殉節豈所難所難與賊共彈丸
先是寇氛猶未熾封疆失計在招安守城主勦不主撫
總理合來誰敢阻可憐小邑萬山中分插賊營十四五

小學弦歌

卷三教忠

三

二

小

大吏以縣爲鄰壑醜徒視城作外府臥榻旁偏睡有人
窮山坐乃衛以虎是時勢已養癰成制客兵須仗主兵
問道乞師百不應猶教一木去支傾一朝賊魁鄰縣起
此地羣凶盡彀矢殘黎二百急登陴分堞當衝半餒鬼
陰風一刮立不牢城頭亂落如飄蘂亭士并無妾可烹
簽兵已嘆民皆死雉樓月暗燈無光緣梯萬蟻上女牆
賊願得城活君命君拚捨命隨城亡嗚呼臣死國子死
父僕死主一門忠烈入汗青碧血斑斑照千古想見強
魂作鬼雄不屑人間淚如雨

哭趙璞函員外

文哲

殉難金川

趙翼

磨盾滇南墨未乾，岷峨西上又千盤。
空懸望眼長安近，欲返遺骸蜀道難。
灑血隻身衝矢石，招魂萬里葬衣冠。
傷心馬革都無分，留與烏鳶啄肉殘。

弔湯緯堂大令殉難鳳山

趙翼

訟堂閒處富吟箋，不才傳以節傳宦。
遠似飄羅剎國魂，歸好附賈胡船。
生前詩有題襟集，身後家無負郭田。
漫讀孝經堪退賦，可憐兒死父屍邊。

長君荀業從死

施將軍廟

袁枚

小學弦歌

卷三教忠

五

三

小

將軍名全以小校刺秦檜不克死

一德格天閣正薪，一刀殺賊乃有人。
歎天冤憤仗誰雪，殿前小校施將軍。
將軍煉心如煉鐵，可惜荆軻疎劍術。
事雖不了鬼神驚，懸頭樹上香三日。
當時元姦黨滿朝，縛虎如羊氣太驕。
忽然刀光狹路照，太師頸上風蕭蕭。
嗚呼三字獄兩宮，駕總在將軍此刀下。
後代聞英風，尙且有與者。
君不見腦碎銅椎阿合馬。

阿合馬元太師被益都千戶王著以

銅鏡擊殺之

弔襄勤伯鄂公

袁枚

襄勤伯名鄂容安字虛亭滿洲入大學士
鄂爾泰之子乾隆中以都統殉難西臺

安西都護遠防邊信斷陰山雪後天降虜一朝擐甲起
孤軍萬里受鋒先 龍顏有淚三臨奠馬革無屍半裹
煙麾下殘兵歸間道口含心史向人傳

聽築長圍幾萬重將軍匹馬獨臨戎天山掃雪兵猶戰
青海啼烏帳已空拜表淚流秋草上彎弓弦斷夕陽中
男兒欲報君恩重死到沙場是善終

謝文節公祠 其二

金德瑛

秦庭何處乞師奔趙氏眞無尺地存痛哭心惟依帝子

小學弦歌

卷三教忠

堯

三
三
三

薦賢人悞配王孫南陵風雨誰私祭北寺朝昏亦餒魂
寄語墨胎山下草經春莫發舊青痕

練中丞祠

邵延齡

公諱子園新淦人洪武十八年進士官都御史
兼吏部侍郎燕王竄位公不屈斷舌死遂族其
家

金川往事幾沾裳蘇碣蒼涼淦水旁一畝紅牆依孔孟
九原碧血並方黃交檐樹古餘秋色遶郭江清映夕陽
天壽鐘山俱寂寞孤臣此地自蒸嘗

燕王之富貴有盡
諸公之節義無窮
末二語能
見其大

余忠宣祠

黃景仁

至正國步何倉皇將軍許國軀堂堂生爲孝寬易耳
一死直是張睢陽妖星十丈橫軫翼兩淮東西已歸賊
龍舒重鎮實彈丸賊畏將軍至傾國裏瘡前後數十戰
漸見全城氣皆墨蜂屯蟻聚當平明巷戰殺賊揮短兵
賊酋大呼宜得生當官汝付汝城將軍戟手指賊語
死爲厲鬼當殺汝青萍三尺水一泓去此一步無死所
將軍已死殉合門紛紛部曲呼其羣曰余將軍死死君
我輩何忍辜將軍從而死者千餘人此千人者驅可戰
小學弦歌

卷三教忠

李

三九七

杜

寧死相從不生叛生得死力死得心將軍才大空古今
用之乃副宣慰使國是披猖可知矣斗大城猶守六年
百戰身經中三矢真人濠濮提劍來掃清六合浮雲開
崇祠遣祭議隆謐碧血靜掩蓬蒿堆靈風何事尙含怒
應爲階前老臣素嗚呼元亡尙有人盡如將軍元可存
嗚呼安得如將軍

虞忠肅祠

黃景仁

羶帳如雲甲光黑飲馬完顏至江北六州連棄兩淮墟
半壁江東死灰色雍公倉卒來犒師零星三五殘兵隨

勤王一呼草閒集督軍不來來亦遲萬八千人同一泣
卓然大陣如山立海陵走死賊臣誅順昌以來無此捷
降旗斫倒十丈長六飛安穩回建康此時長驅有八可
以笏畫地言琅琅不可與言言不必肯復中原豈今日
五路烽煙百戰平三巴門戶崇朝失卽今青史尙餘悲
卽今戰處留荒祠寒蘆半沒楊林口白浪猶衝采石磯
江淮制置亦人傑下流觀望何無策再造居然賴此人
不是儒生敢輕敵肅爽鬚眉一代雄誰令遺骨老蠶叢
招魂縱有歸來日應在吳山第一峰

小學弦歌

卷三教忠

三

又九 安

洪忠宣祠

黃景仁

公諱皓鄱陽人使
金被留十載乃歸

啖雪龍廷十載餘辭家猶憶建炎初兩宮辛苦餐梨麪
萬里煙塵遞蠟書事去僅歸蘇武節身閒聊傍葛洪居
湯陰祠墓還鄰近可共英靈感故墟

方正學祠

錢大昕

巽盡常山舌血紅讀書種子允推公一門都入全歸錄
五尺羞稱靖難功煮海人知劉渙志勞軍難得亞夫忠
長陵金椀今零落尸祝何如老禿翁

楊忠烈公諱祠

錢大昕

茄花委鬼日猖披。想見張髯瞑目時。倉猝移宮關大計。慨慷伏闕進危詞。姓名空冠東林籍。魂魄誰招鎮撫司。齒冷三朝修要典。南牙宰相北牙兒。

故明金御史殉難詩

王元啟

御史名翰。嗣保定人。崇禎末奉命監李建泰軍。山右未至。賊已逼退。保保定城。陷入井死。

乾坤瀕洞煙塵昏。狼貙蜂蟻紛聚屯。橫流潰決不可制。逆勢直欲滔天奔。金侯攬轡憫胥溺。逝將赤手堙崑源。茫茫晉土皆賊壘。右臂已失寧復論。畿南郡邑實門戶。

小學弦歌

卷三 教忠

三

五

走保鄉土堅藩垣。妖星忽熾帝星隕。六宮九廟咸灰燼。復仇討賊志彌烈。皎皎大義明朝曠。毀家犒士博死力。爭先徒步當輜輶。山摧地裂鮮完土。勺水莫止炎鬪燬。寧飈蕩滃簸宇宙。孤松豈得牢其根。危城旣破身與殉。英風颯颯飛忠魂。維時守臣重首領。迎賊往往先開門。失身蒙恥等一死。視侯不異狐與豚。侯之志義耿不泯。去之百歲今猶存。寒泉古井人莫汲。時有虹起光蜿蜿。題溫忠烈公遺像卷內附家信二通

公名璜
烏程人

梁同書

釋褐官司李時危髮已皤四郊爭舉燧一掌獨堙河劍
得知心友書留正氣歌還憐妻與女相伴國殤多
已墜虞淵日揮戈孰魯陽力難醫國活身遂與城亡小
影蒼顏見孤忠碧血藏易名褒 聖主千載發幽光

鄱陽胡忠烈公祠

吳嵩梁

公諱閏字松友鄱陽人少讀書吳王芮廟中畫
松於壁題以詩明太祖見而賞之及舉秀才入
見帝曰是題詩鄱陽廟壁者耶累官大理寺少
卿燕王竄位衰絰至哭聲徹殿陛令更服曰死
即死耳服不可更王命力士以金爪擊其齒大
罵不絕死之遭剝皮之慘其族二百一十七人
坐死諡

小學弦歌

卷三教忠

三

五

安

番君廟壁題畫松天心已鑒臣孤忠擢臣諫官改廷尉
誓報國恩以死繼叛臣賣國燕師來六宮一炬燒成灰
麻衣痛哭聲如雷殿前武士揮金椎臣齒碎裂罵逾厲
臣皮慘脫心難回臣家臣族棄東市臣死下見高皇帝
陳瑛之肉狗彘食燕王萬古稱竄賊天風獵獵雲旗招
雪冤之榜騰九霄有女孝貞今耐祀神燈夜出胡家橋

樂平張公祠

吳嵩梁

公諱彥方事見明史附陳彥回列傳 國初
賜諡忠愍乾隆中 敕封忠貞惠濟之神
鐵騎渡江天地昏陣雲夜壓金川門周公自立成王焚

縣令何者今張巡彈丸之地蛾子軍隻手乃欲扶乾坤
以心許國忘其身生能殺賊死亦神靖難兵興豈天意
驟削五王原失計北平封早徙南昌公等優游但循吏
將軍耿李特兒戲五十萬兵敗塗地事危始用鐵尚書
江上孤軍亦終潰當時守令非乏才姚王繼死殊可哀
誰知奉母張文矩附傳勤王陳彥回公官不願給事中
板輿乞養來湖東一朝伏劍殉全室承歡地下初心同
清白堂前一抔土譙樓廢井俱千古大書母潘烈婦陳
請增祀典鐫貞砥

小學弦歌

卷三教忠

壹

三
安

桂秀才墓

吳嵩梁

公諱秀字子實餘干諸生正德三年劉瑾黨潘
泰知縣事激民變大盜余乾七等爲亂公率其
子弟禦之賊砍其首猶騎驢怒
馳三十里乃小墓在東山麓

孤城斗大賊如蟻身陷重圍心不死驢背風來戰血腥
頭斷更馳三十里萬劫東岡土一抔猶聞異事感風雷
師生父子今同傳誰似餘干桂秀才

題魏忠節公及其子孝烈先生遺像

吳嵩梁

天啟大權歸宦寺東林一網無噍類五彪五虎十孩兒

豈識人間忠孝字。點將錄進誰先鋒。兩魏爭排一魏公。
封疆不貸熊廷弼。詔獄甘隨楊大洪。夜行晝伏檻車尾。
父抱奇冤子從死。耐葬殊恩三百年。天以清門樹人紀。
內閣家報胡爲乎。廣微遺臭良卿俱。見泉地下應長慟。
公有佳兒我獨無。

建威將軍歌

爲壯烈伯李忠毅公賦

吳嵩梁

公諱長庚字西巖同安人由武進士官浙江提督勦海寇蔡牽將獲矣忽中礮死追封壯烈伯

毅

大星如斗墮炎海。李將軍死天慘昏。其身死戰神不死。

小學弦歌

卷三教忠

奎

三五八

林

終殲逆賊酬主恩。將軍毀家爲謀國。自製軍械給軍

食。一門子弟盡驍騰。心甘蹈海氣吞賊。安南夷艇初入

閩。防海將弁多遠巡。將軍伏兵伺賊出。飛礮中之如有

神。五年大入浙。滋擾將軍領師扼其要。台州酣戰逼松

門。天助颶風覆夷盜。旌旗五色號合新。賞罰必信士氣

振。鯨浪漸消外。擾靖鳳尾蟻賊來。紛紛是時蔡牽稱盜

首。鉅萬逋逃萃。淵藪陰購民米劫商船。豕突鴟張無不

有。將軍曰嘻。某在斯。麼何者猶猖披。誓搜汝族傾汝

穴。生啖汝肉。寢汝皮。一戰白犬洋。再戰青龍港。將軍所

向靡不摧鄭一朱潰散其黨賊牽勢蹙奔三沙如魚遊
釜免入罟將軍滅此且朝食坐聽歡聲騰鼓笳大府何
人飛羽檄趣合將軍退堅壁詐降修備賊遠颺帳下健
兒皆掩泣牽也再出圍臺灣鹿耳阻塞陷鳳山將軍出
奇遶賊背夾攻連破開重關乘潮賊竄機又失天意蒼
茫苦難必漁山之役箭雨集將軍被創戰逾急大星岷
前燒賊舟我舟亦復摧中流粵援不至兵力竭事嗟掣
肘功難收將軍行與家人別曰賊不除吾永訣二鎮兵
合黑水洋賊剩三舟趨險絕將軍乘勝以火攻牽命已
小學弦歌

卷三教忠

奕

二九十三
二九十二
成林

在呼吸中海水忽立天怒風將軍殉國臣孤忠左手持

刀右握盾魄力已盡猶爭雄請于上帝泄冤憤明年部

將收其功提督王公得祿邱公良功總兵許公松年嗚呼將軍生年五十有

八耳死得其所死非死百戰威名草木知千秋大節河

山偉平生特達受知深獨恨封圻未一心賴有兩賢

能竭力巡撫阮公元清公安泰遂令羣盜屢成擒天語當年誠

持重愛惜臣身勿輕用臣身自惜賊誰殲萬古臣心抒

一慟易名拜爵崇專祠貞石峩峩諭祭碑我交公子

詳遺事感激爲公賦此詩

弔忠烈卅公

羅萬卷

凝亭

公諱崇正四川人崇禎末以拔貢令桂東張獻忠陷衡郴遣賊徇桂東衆皆逃公不爲動賊至不屈大罵死之

我眉山頭萬古雪中。有偉人英且烈。作宰漚江。值明季。滿地煙氛愁欲絕。賊烽壓城日欲昏。到處降旛爭出奔。獨抱孤城心慷慨。城亡與亡存與存。大呼殺賊賊魄褫。衆寡莫敵勢不支。崇禎癸未秋九月。城陷不屈公死之。是時蜀都更苦賊紛紛。豺虎交驅逼錦官。城外唬杜鵑。萬里忠魂歸不得。二三遺老時嗚咽。眼見當年頸濺血。小學弦歌。卷三教忠。三三。五。街談未竟淚先流。罵賊獨聞常山舌。滄桑變後原野空。鳳凰山下土花紅。裹屍無人尋馬革。至今夜夜生悲風。嗚呼公生愛民如愛子。城亡與亡得其死。軒未上英氣存。遺民數語當青史。

陵川合李公向禹殉節詩

張九鉞

公諱向禹鐵嶺人陵川知縣大同叛鎮姜瓖攻陵川公固守力竭死之妻王氏暨二子皆殉難

贈僉事道

原草何蕭蕭。白楊生悲風。中有殉節人。曰鐵嶺李公國。初宰陵川。逆環變大同。駭雞連榆林。突豕窺山東。擱然

登陣守奮呼當其衝左手挾勁矢右手挽強弓塵腥天
爲黃旌旗慘不紅城破賊得之瞋目裂背瞳虎狼不敢
噬百計誘使從嚼齒嘯嗔急甘蹈白刃鋒血灑九干仞
高蟠太行虹其妻王恭人促夫力保壻是日攜二女効
命閨房中烏鳶慘不下香練飛長空妖星旋撲滅烈事
泣婦僮新尹享昇平誰能表孤忠八年鄆城賢以狀上
禮宗 褒卹紛綸加錦冊蟠螭龍繡衣解豸冠翠羽璫
璇璣生爲百城長死作萬鬼雄隻手弱書生殺賊安有
功肝腦與城碎光焰七尺躬庶不爲負 恩廟祀當無

小學茲歌

卷三 教忠

卷

二十六

五

窮作詩闡千秋用勵頑懦衷

公殉難事聞名宦妻恭人二子皆有卹

朝廷祀公

子有傳

襄城烈士行

有序

張九鉞

明崇禎十五年流寇破襄城諸生耿光等隨汪
中丞喬年殉節者二百餘人過此作詩弔之

書生報國好男子二百餘人巷戰死氣作中原虹蜺長
波翻襄水蛟龍紫當年蔽蔓賊縱橫中丞擐甲親移營
大帥棄師竟南走陰雲慘澹盤孤城宮牆白日灑紅雪
烈士奮呼天宇裂山川精魄鐵肝腸不化烏鳶口中血

軍門贊化登陴守。妻兒磚石負奔走。巨壑回燒礮火聲。
長矛懸出黃巾首。中丞力竭城遂破。七尺堂堂誰怯懦。
罵賊甘隨毅鬼雄。擇福能同正人禍。手足可割名免辱。
誤國傷心最難贖。英飈怒捲襄水波。憾不生噬叛俟肉。
往事沈吟付劫灰。鬢門日月猶崔嵬。行人下馬一憑弔。
姓名斷碣隨荒苔。天心降此陽九厄。事去英雄在黃馘。
君不見先生已懷翦賊詩。弟子又殉文山集。先時襄城
胸懷翦賊詩斷舌死諸生李
光閭抱文文山集投泮池死

棧道弔蘇將軍有序

陶澍

小學弦歌

卷三教忠

堯

三六六
二

將軍名維龍。官遊擊。嘉慶四年二月教匪張漢
潮自三岔竄唐藏。將軍遏之力戰三時。大罵赴
賊死。兵丁焦忠孝恐賊毀其屍。乃自詭為將軍。
被賊支解。一軍皆盡。賊退。土人瘞其遺骨。立廟
以祀。尋贈參將。焦忠孝亦贈千總。守備尙
某以觀望被杖。自勒死。

蘇將軍氣如雲。報國淚常焚。忽聞有賊至。奮起聲如

霆。一解或曰賊萬而我五百人。百一之勢懼不敵。將軍曰

嘻。殺賊是吾職。丈夫死職耳。焉能避鋒鏑。二解將軍馳而

左壯士亦皆左將軍馳而右壯士亦皆右將軍愛士得
士心轉戰而前誰敢後三解賊既不得脫士亦不肯休頽

雲慘慘苦霧合戰血噴起懸崖愁四解維時日向暮苦戰

猶不已手揮魯陽戈面著雷公矢須臾馬蹄一蹶不起

將軍大呼曰吾得死所矣慷慨而結纓壯士皆從死五解

死之日難民方作壁上觀曰有焦忠孝同時被寸劍生

為烈士英死為雄鬼先為民捍大患配祀無愧焉六解吁

嗟乎豺虎縱橫兵雜沓將軍不死必死法泰山鴻毛等

死耳得死為難何用怯君不見閻邱不救張睢陽身死

小學弦歌卷三教忠 辛三十九 杏二十八

杖下誰爾傷七解

題秦良玉舊樓

陶澍

秦良玉四川石砭土司某之妻夫亡代領其眾
屢破賊平奢崇明之亂後以流寇猖獗帥所部
勤王明莊烈帝賜以詩有桃花馬上請長

纓之句明亡閉關自守坐臥小樓中以卒

忠州女子天下奇父是秀才良玉父名葵 夫土司天生

智勇不世出坐令巾幗慚鬢眉詞翰淹通意嫻雅錦袍

豔照桃花馬天子臨朝識姓名請纓獨對平臺下白棹

之兵銳無前巨寇親擒射場天弟兄死國身許國平生

忠義何皎然陸知州誠可恥肉眼不識奇女子抽刀斷

袖應羞死。邵捷春亦庸才。坐受屠戮。吁可哀。吾謀不用。竟如此。嗚呼。羣鼠真來哉。夔門已失關。塞黑忍使此身。重事賊。閉關坐臥小樓中。大節直同文相國。何須更論洗夫人。多少麟臺愧顏色。
筆力奇傑。足爲奇女子寫照。

曾雲溪別駕死節詩

鄧顯鶴

公諱艾。新化人。以征苗功。補貞豐州同。狎苗叛。圍治城。堅守四十餘日。及陷。手刃其妾。巷戰死。家屬死者九人。

男兒誓捐軀。慷慨辦一死。堂堂古丈夫。一一垂青史。英別駕君。殺身報天子。宇宙久承平。妖逆西南起。桓

小學弦歌

卷三 教忠

三

三
三
明 王

桓征南帥。百萬鞭箠。指負弩。誓前軀。所至輒披靡。賊勢倏猖獗。孤軍相角。犄龍蛇。厄運逢其年。在丁巳。百戰賸孤城。臣力止於此。生不能殺賊。全家共死耳。尚聞振臂呼死當。爲厲鬼。

雜詩

張學尹

猛獸困猶鬪。國士生不回。桓桓李飛將。雙鬢望已皤。落日奮猿臂。蒼頭百萬顏。寒沙沒利鏃。積雪折神騅。豈不墮鄉淚。精誠未肯灰。名爵君所惜。邊功聖所哀。我自效臣職。冀賞非良材。苟能捍牧圉。何惜邊塵埋。

